


# 冊府元龜

九百八十一之四


三百八十五



|   |   |   |
|---|---|---|
| 三 | 五 | 漢 |
| 〇 | 三 | 書 |
| 〇 | 四 | 門 |
|   | 九 |   |
| 冊 | 架 | 函 |
|   | 號 | 類 |

|   |   |   |
|---|---|---|
| 三 | 五 | 漢 |
| 六 | 三 | 書 |
| 五 | 四 |   |
| 函 | 五 |   |
| 一 | 〇 |   |
| 一 | 〇 |   |
| 架 | 冊 | 號 |
|   | 類 |   |

|      |          |
|------|----------|
| 內閣文庫 |          |
| 番號   | 漢 5345   |
| 冊數   | 300(295) |
| 函號   | 365 6    |



冊府元龜

淮南李嗣京奏閱

西極文翔鳳訂正

豫章黃國琦較釋

外臣部 二十六

盟誓

周官司盟掌盟載之法蓋邦國會同之制也其於四  
夷則胡人彈骨越人剡臂與夫中國歃血所繇各異  
示信一也若乃要荒之俗凶悍成性置之度外斯為  
匪人先王於是羈縻而不絕之也然而威力有所不

冊府元龜

外臣部

卷之九百八十一

及德義有所不懷姑務息民非可黷武繇是申以詛  
誓質於神明達之以誠心要之以禍福然後邊鄙不  
聳保障以寧倒載干戈而阜安生齒茲亦長轡遠御  
之一術也至或飭其詐諛臨事生變志圖剽劫以快  
匈奴此亦豺狼之常性豈謀之不臧者乎

晉隱公二年春公會戎于潛修惠公之好也戎請盟

公辭秋八月庚辰公及戎盟于唐復修戎好也唐魯地

桓公二年七月公及戎盟于唐修舊好也

僖公三十二年四月衛人侵狄秋衛人及狄盟

文公八年十月公子遂會伊維之戎盟于暴

哀公十九年秋三夷男女及楚師盟于敖

秦昭襄王時板楯蠻夷居巴郡閬中時有一白虎嘗

從群虎數遊秦蜀巴漢之境傷害千餘人昭王乃重

募國中有能殺虎者賞邑萬家金百鎰時有巴郡閬

中夷人能作白竹之弩乃登樓射殺白虎昭王嘉之

而以其夷人不欲加封乃刻石盟要復夷人頃田不

租十妻不算傷人勿論殺人得以賤他濫切錢贖死盟

曰秦犯夷輸黃龍一雙夷犯秦輸清酒一鍾夷人安

之

漢宣帝時與呼韓邪單于約來自長城以南天子有

之長城以北單于有之有犯塞輒以狀聞有降者不得受

元帝時遣車騎都尉韓昌光祿大夫張猛送呼韓單于侍子昌猛見單于民衆益盛塞下禽獸盡單于足

以自衛不畏郅支聞其大臣多歡單于北歸者塞下無禽禽則射獵無所得又不恐北去後難約束不可更共

昌猛即與爲盟約曰自今以來漢與匈奴合爲一家爲言要世世毋得相詐相攻有竊盜者相報行其誅償其物

漢人爲盜于匈奴匈奴人爲盜于漢皆相報告而誅償有寇發兵相助漢與匈奴敢先背約者受天不祥令其世世子孫盡如盟昌

猛與單于及大臣俱登匈奴諾水東山諾水即今突厥地諾真水

也刑白馬單于以徑路刀金留犁撻酒徑路匈奴寶刀也金契金

也留犁鉏屬也撻呼高切和也攬也契金着酒中撻攬飲之以老上單于所破月

氏王頭爲飲噐者共飲血盟昌猛還奏事公卿議者以爲單于保塞爲藩雖

欲北去猶不能爲危害昌猛擅以漢國世子孫與夷狄詛盟令單于得以惡言上告于天羞國家傷威重不可行宜遣使往告祠天與解盟昌猛奉使無狀罪至不道帝薄其過有詔昌猛以贖論勿解盟

平帝時西域車師後王句姑句音鈎去胡來王唐兜其

去胡而來降漢故以爲王號降匈奴詔令單于執還使中郎將王

萌待西域惡都奴界上逆受惡都奴西域之谷各單也逆受逆而受之

于遣使送到國因請其罪使者以聞有詔不聽不免其罪

會西域諸國王斬以示之乃造設四條更新為中國此制也

人亡入匈奴者烏孫亡降匈奴者西域諸國佩中國

印綬降匈奴者烏桓降匈奴者皆不得受遣中郎將

王駿王昌副較尉甄阜王尋使匈奴班四條與單于

雜函封與璽書同付單于令奉行因收故宣帝所為

約束封函還

宋師子國王刹利摩訶南奉表遣二白衣送牙臺像以

為信誓史缺年月

唐高祖武德七年八月頡利突利二可汗舉國入寇

道自原州連營南上太宗時為秦王受詔北討與虜

遇於幽州醜徒震駭因而請和太宗許之結盟而去

又云突利武德初深自結託太宗亦以恩撫之結為兄弟與盟而去

太宗以武德九年八月即位是月辛巳突厥寇高陵

癸未帝幸渭水之上與頡利隔津而語責其負約頡

利請和詔許之乙酉幸城西刑白馬與頡利同盟于


便橋之上突厥引兵而退

高宗麟德二年八月開府儀同三司新羅王金法敏

熊津都尉扶餘隆盟于百濟之熊津城初百濟自扶

餘璋與高麗連和屢侵新羅之地新羅遣使入朝求

救相望於路及蕪定方既平百濟軍回餘衆又叛鎮



守使劉仁軌仁願等經畧數年漸平之詔扶餘降歸撫餘衆及令與新羅和好至是刑白馬而盟先祀神祇及川谷之神而後歃血其盟文曰往者百濟先王迷於順逆不敦隣好不睦親如結託高麗交通倭國共爲殘暴侵削新羅剽邑屠城畧無寧歲天子憫一物之失所憐百姓之無辜頓命行人遣其和好負險恃遠侮慢天經皇赫斯怒恭行弔伐旌旗所指一戎大定固可渚宮污宅作誠來裔塞源拔本垂訓後昆然懷柔伐叛前王之令典興亡繼絕往哲之通規事必師古傳諸曩冊故立前百濟太子司稼正卿扶餘

隆爲熊津都督守其祭祀保其桑梓依倚新羅長爲與國各除宿憾結好和親恭承詔命永爲藩服仍遣使人右威衛將軍魯城縣公劉仁願親臨勸諭具宣成旨約之以婚姻申之以盟誓刑牲歃血共敦終始分災恤患恩若兄弟祇奉綸言不敢失墜旣盟之後共保歲寒若有背盟二三其德興兵動衆侵犯邊陲明神監之百殃是降子孫不育社稷無守禋祀磨滅罔有遺餘故作金書鐵券藏之宗廟子孫萬代無敢違犯神之聽之是享是福劉仁軌之辭也歃訖埋書牲幣於壇之壬地藏其書於新羅之廟於是仁軌領

新羅百濟耽羅倭人四國使浮海西還以赴太山之  
下

玄宗開元二年五月吐蕃宰相全達延獻書于宰臣  
曰兩國地界事資蚤定界定之後然後立盟書大夫  
解琬昔在安西界望使會于河源相與展議蕃之願  
也帝聞之命左散騎嘗侍解琬使於河源宰臣魏知  
古姚崇盧懷慎等致書報達延曰承屯聚兵馬初不  
知者頗亦為疑但以彼國君臣素敦信義况立盟誓  
又結婚姻悠悠之談復何足信若見利忘義破親負  
約神道不遠何以逃殃自見來書果符意揣兩國和

好百姓安寧永絕邊疆豈非好事所論分界先有盟  
書今奉勅令左散騎嘗侍解琬往河源與公平章解  
琬國之重臣素有德行言無二諾眾所共推昔嘗充  
使西安備諸彼之境土今遣將命實惟命焉琬既行  
勅琬賫神龍二年吐蕃誓文與達延定界

臣欽若等  
曰神龍二

年盟誓  
事史缺

六月吐蕃使其宰相尚欽藏及御史名悉獵來獻盟  
書帝御承天門樓命有司引見置酒於內殿享之  
十一月己酉賜丹書鐵券于奚都督烏褐頡利發契  
丹伊健啜

六年十一月吐蕃遣使奉表曰仲冬極寒伏惟皇帝  
舅萬福使典軍馬集併吐蕃使判悉獵等同至其書  
共傳語并悉具委所緣和事者孝和帝在日其國界  
並是逐便斷當訖彼此亦已盟誓漢宰相等官入誓  
者僕射豆盧欽望魏元忠中書令李嶠侍中紀處訥  
蕭至忠侍郎李迺秀尚書宗楚客韋安石楊矩等一  
十人吐蕃宰相等亦同盟誓訖遂迎公主入蕃彼此  
安穩於後太上皇登極親好並相和同雖復如舊其  
漢宰相入誓者並已歿于後宰相不知已前要契當  
令望重立盟誓舅甥各親署盟書宰相依舊作誓彼

此相信亦長安穩此處使人論乞力徐尚奔時宋俄  
等前後七廻入漢比論皇帝舅親署誓書事復遣宰  
相作誓外甥亦親署宰相亦作呪如此使七廻來去  
阿舅却報言舅甥親自手署誓書及彼此宰相作呪  
阿舅云大是好事及至今日阿舅手署不見宰相作  
呪亦無又西頭張玄表將兵打外甥百姓又李知古  
亦將兵打外甥百姓既緣如此違誓失信所以吐蕃  
遂發兵馬今奉阿舅書以前所有嫌惡並悉不論自  
今以後依前和睦大是好事在此外甥亦同阿舅來  
意阿舅必定和好所以遣使人往來亦得文不須重



盟誓者緣孝和皇帝時舊漢宰相人盟誓者並無阿  
舅必以和好不重作盟誓彼此不相信要須新立盟  
誓卽日未知國事亦不繇官寮並皆自決但是百姓  
擬遣安業久長快活阿舅書上雖道和好意中不專  
知有何益今日必定和好此處速却迴的實相報來  
書云乞力徐此集兵馬者准舊例兵馬新舊交替若  
道別集兵馬並是虛言又往者平論地界白水已來  
中間並令空閒昨秋間郭將軍率聚兵馬於白水築  
城旣緣如此吐蕃遂於界內道亦築一城其兩國和  
同亦須迎送使命必若不和其城彼此守捉邊境又

以北突厥骨吐祿共吐蕃交通者舊時使命實亦交  
通中間舅甥和睦已來准舊平章其骨吐祿阿舅亦  
莫與交通外甥亦不與交今聞阿舅使人頻與骨祿  
交通在此亦知爲不和中間有突厥使到外甥處旣  
爲國王不可久留外國使人遂却送歸卽日兩國和  
好依舊斷當吐蕃不共突厥交通如舅不和自外諸  
使命何入蕃任伊去來阿舅所附信物並悉領外甥  
今奉金胡旌一瑪瑙盃一伏惟受納

十八年十月吐蕃使名悉獵等至京詔御史大夫崔  
琳充使報聘仍於赤嶺各豎分界之碑約以更不相

侵 二十二年遣將軍李  
佺于赤嶺分界立碑

二十四年吐蕃與漢樹柵為界置守捉使河西節度使  
散騎嘗侍崔希逸謂吐蕃將乞力徐曰兩國和好何  
須守捉妨人耕種請皆罷之以成一家豈不善也乞  
力徐報曰嘗侍忠厚必是誠言但恐朝廷未必皆相  
信任萬有一人交構掩吾不備後悔無益也希逸固  
請之遂發使與乞力徐殺白狗為盟各去守備於是  
吐蕃畜牧被野

天寶元年九月以護密國王子頡吉里匐遣使上表  
請北吐蕃來屬賜鐵券曰谷爾護密王子頡里匐夫  
藩扞可寄惟信是從節義可積雖遠無隔卿之先代  
嘗附國朝通使有嘗書譯相次自卿父繼立近阻強  
隣被制凶威有垂夙志今遂能獻誠款潛託歸懷自  
非心晤遠圖何以克存先意念此誠懇嘉尚尤深今  
賜卿丹書鐵券以旌忠孝長表信義永傳子孫日月  
同明山河齊久可不美歟可不慎歟  
肅宗元年建寅月吐蕃使來朝請和勅宰相於中書  
宴設將詣光宅寺為盟使者曰蕃法盟誓取三牲血  
飲之無向佛寺之事請明日復於鴻臚寺飲血以申  
蕃戎之禮從之



代宗廣德三年秋回紇犯邊先以關內副元帥郭子儀屯涇陽十月回紇首領羅達工等率其衆二千餘騎詣涇陽請降子儀許之合胡祿都督等與宰相磨咄莫賀達于宰相噶莫賀達于宰相護都毗伽將軍宰相揭拉裴羅達于宰相梅錄大將軍羅達于平章事海寧闡達于等子儀先執桎合胡祿都督請呪子儀呪曰大唐天子萬萬歲回紇可汗亦萬萬歲若起負心背盟約者身死陣前家口屠戮合胡祿都督等失色及桎至卽譯曰如今公盟約皆喜

永泰元年三月吐蕃遣使請和詔宰臣元載杜鴻漸

與之盟于興唐寺

大曆二年四月宰臣及內侍魚朝恩與吐蕃使同盟于興唐寺

德宗建中二年十二月入蕃使判官監察御史嘗魯與吐蕃使論悉諾羅等至自蕃中初魯與其使崔漢衡至列館贊普令止之先命取國信勅書旣而使謂漢衡曰來勅云所貢獻物並領訖今賜外甥少信物至宜領取我大蕃與唐舅甥國耳何得以臣禮見處又所欲定界雲州之西請以賀蘭山爲界其盟約請依景龍二年勅書云唐使到彼外甥先與盟誓蕃使

到此阿舅亦親與盟乃傲漢衡遣使奏定魯使還奏  
帝爲改勅書以貢獻爲進以賜爲寄以領取爲領之  
且謂曰前相楊炎不循故事致誤此耳其定界盟約  
並從之

三年十月以都官員外郎樊澤兼御史中丞入吐蕃  
計會使初漢衡與吐蕃約以十月十五日定界盟誓  
漢衡到商度未決已過其期遂命澤詣結贊復定盟  
會期且告遣隴右節度使中書侍郎平章事張鎰與  
之同盟澤至故原州西與結贊相見約以來年正月  
十五日會盟於清水西

四年正月詔隴右節度使張鎰與吐蕃相尚結贊等  
盟於清水將盟鎰與結贊約各以二千人赴壇所執  
兵者半之列於壇外二百步散從者半之分立壇下  
鎰與賓佐齊抗及會盟官崔漢衡樊澤嘗魯于頔等  
十人皆朝服結贊與其本國將相論悉頰藏論藏熱  
乞利施斯官者論乞力徐等七人俱升壇爲盟初約  
漢以牛蕃以馬爲牲鎰恥與之盟將殺其禮乃請結  
贊曰漢非牛不田蕃非馬不行今請以羊豕犬三物  
代之結贊許諾時塞外無豕結贊請出羖鎰出犬白  
羊乃於壇北刑之雜血二器而歆盟文曰唐有天下

恢奄禹跡舟車所至莫不率俾以累聖重光十年惟  
永彰王者之不業被四海以聲教與吐蕃贊普代爲  
婚姻固結隣好安危同體甥舅之國將二百年其間  
或因小忿棄惠爲讎封疆騷然靡有寧歲皇帝踐祚  
愍茲黎元俾釋俘囚以歸蕃落蕃國展禮同茲叶和  
行人往復累布成命是必詐謀不起兵革不用矣彼  
猶以兩國之要求之永久古有結盟今請用之國家  
務息邊人外其故地棄利蹈義堅盟從約今國家所  
守界涇州西至彈箏峽西口隴州西至清水縣鳳州  
西至同谷縣暨劍南西川大渡水東爲漢界蕃國守

鎮在蘭渭原會西至臨洮又東至成州抵劍南西界  
磨些諸蠻大渡水西南爲蕃界其兵馬鎮守之處州  
縣見有居人彼此兩邊見屬漢諸蠻以今所分見住  
處依前爲定其黃河以北從故新泉軍直北至大磧  
直南至賀蘭山駱駝嶺爲界中間悉爲閒田盟文有  
所不載者蕃有兵馬處蕃守漢有兵馬處漢守並依  
見守不得侵越其先未有兵馬處不得新置并築城  
堡耕種今二國將相受辭而會齋戒將事告天地山  
川之神惟神炤臨無得愆墜其盟文藏于宗廟副在  
有司二國之成其永保之結贊亦出盟文不加于坎

但埋牲而已。盟畢結贊請鎰就壇之西南隅佛幄中焚香爲誓。誓畢復升壇飲酒獻酬之禮各用其物。以將厚意而歸。四月加荅蕃使崔漢衡簡較工部尚書。帝初令宰相尚書與蕃相區頰贊盟于豐邑里壇所。將盟以清水之約疆場不定。遂罷。因留頰贊未遣。復令漢衡決於贊。普七月以國子祭酒李揆爲禮部尚書。御史大夫入蕃會盟使壬辰命宰相李忠臣盧杞關播右僕射崔寧工部尚書喬琳御史大夫于頔太府卿張憲恭司農卿段秀實少府監李昌夔京兆尹王翊左金吾衛大將軍渾瑊等與吐蕃宰相區頰贊

等會盟於壇所。初于頔至自蕃中與尚結贊約疆場既定請歸其使從之。以豐邑坊盟壇在京城之內非便請卜壇於京城之西。其禮如清水之儀。先盟二日命有司告太廟盟官致齋三日朝服升壇宰相關播跪讀盟文盟畢宴賜而遣之。甲午以李揆爲右僕射兼官克使如故。

貞元三年五月戊子以待中渾瑊爲吐蕃清水會盟使兵部尚書崔漢衡爲會盟副使司勳員外郎鄭叔矩爲判官。己丑渾瑊赴會盟所。帝令瑊統衆二萬餘。又遣華州潼關節度駱元光赴之。乙巳帝令宰臣召

吐蕃使諭結贊等於中書議會盟之所初崔澣與尚  
結贊約復會盟于清水且先歸我鹽夏二州結贊固  
云清水非吉地請盟于原州之土梨樹又請盟畢歸  
二州澣遣使與結贊同奏帝將懷柔故皆從之約以  
閏五月十五日盟于土梨樹丁未帝召宰相議與吐  
蕃會盟之所先是左神策將馬有麟奏土梨樹地多  
險隘恐戎軍隱伏不利於我平涼川四隅坦平且近  
涇州就之爲便及是定盟所于平涼川從有麟之言  
也時蕃使諭結贊已復命遽追告還而遣之閏五  
月辛未渾瑊與蕃相結贊會盟于平涼初瑊與結贊

約以兵三千人列于壇之東西散手四百人至壇下  
及將盟又約各遣遊軍以相覘伺結贊擁精騎數萬  
於壇西蕃之遊軍貫穿我師瑊之將梁奉貞率六十  
騎爲遊軍纔至蕃中皆被執留瑊不虞也結贊又遣  
謂瑊曰請侍中已下服衣冠劍佩以俟命蓋誘其下  
馬將劫持之瑊與副使兵部尚書崔漢衡監軍特進  
宋奉朝等皆入幕次坦無他虞結贊命伐鼓三聲其  
聲呼譟而至瑊遽出自幕後偶得他馬不加銜瑊伏  
於鬣而手加之凡馳十餘里銜方及口故追騎之矢  
過而不傷焉惟瑊之裨將辛榮招合數百人據北阜

與賊接戰須臾賊衆四合榮力屈而降奉朝及瑊判  
官殿中侍御史韓弁並爲亂兵所殺漢衡及中官劉  
延邕俱文垓李朝清漢衡判官司勳員外鄭叔矩瑊  
判官簡較戶部郎中路泌掌書記袁同直大將扶餘  
準馬寧及神策鳳翔河東將孟日華李至言樂演明  
范澄馬弁等六十餘人皆陷焉餘將士及夫役死者  
四五百人駟掠者千餘人咸被解奪其衣物漢衡爲  
亂兵所擊其從吏呂溫以身蔽之刃中溫而漢衡獲  
免漢衡乃夷言謂執者曰我漢使崔尚書也結贊與  
我善汝欲殺我結贊亦殺汝乃捨之盡馳而西行旣

而面縛各以一木自領於身以毛繩三束之又以繩  
連其髮而牽之夜皆踣之於地以髮繩各繫於一椽  
又以毛罽都覆之守衛者卧其上以防其亡逸也以  
甲戌至故原州結贊坐於帳中召與相見數讓國家  
因怒渾瑊曰武功之力皆我之力許以涇州靈州相  
報竟食其言負我矣舉國所怨本劫是盟在擒瑊也  
吾遣以金銀飾桎梏待瑊將獻於贊普旣已失之虛  
致君等耳當遣君輩一二人歸報家族也呂溫帶瘡  
亦至結贊嘉其義厚給資之結贊率其衆屯於石門  
遣中官俱文垓渾瑊之將馬寧馬燧之將馬弁歸於



我遂送漢衡叔矩等囚於河州辛榮扶餘準等或囚於故郭州故鄯州分囚之結贊本請杜希全李觀同盟將劫執二節將乘其銳來犯京師希全等既不行又欲劫執渾瑊長驅入寇其始謀彼蠢如此癸酉帝遣中官王子嘗賫詔書以遺結贊蕃界不納而還初瑊與駱元光將發涇州元光謂瑊曰本奉詔命令營於藩原堡以應接待中竊以藩原堡去盟所六七十里蕃情多詐侍中倘有急我何繇知之請次爲營以虞其變瑊以非詔旨固止之元光竟與同進瑊之營西去盟所二十餘里元光營次之其濠柵頗深固瑊

之濠柵可踰焉及瑊單騎奔歸未及其營守將李朝彩不能整衆多已奔散瑊之至也空營而已器械資糧悉棄之賴元光之衆陣於營中瑊旣入賊追騎方退元光乃先進輜重次與瑊俱申其號令嚴其部伍而還時以爲有將帥之風焉帝特嘉之賜良馬十疋金銀器及錦綵甚厚瑊復鎮于奉天七月甲寅侍中渾瑊自會盟所來朝素服待罪有詔釋之而後謁見

初宰相柳渾曰夷狄人面獸心難以信結李晟曰今日之事誠如渾言事具宰相識量門

穆宗長慶元年九月吐蕃請盟帝許之宰相欲重其事請告太廟太嘗禮院奏曰謹按肅宗代宗故事與

吐蕃會盟并不告廟惟德宗建中末與吐蕃會盟於延平門欲重其誠信特令告廟至貞元三年會於平涼亦無告廟之文伏以事出一時又非經制求之典禮亦無其文今謹叅詳恐不合告從之乃命大理卿兼御史大夫劉元鼎克西蕃會盟使以兵部郎中兼御史中丞劉師佐爲副尚舍奉御兼監察御史李武京兆府奉先縣丞兼監察御史李公度爲判官是年十月命宰臣崔植王播杜元穎並赴與吐蕃誓壇所太嘗禮院奏應赴會盟官尚書右僕射韓臯御史中丞牛僧孺吏部尚書李絳兵部尚書蕭俛戶部尚書

楊於陵禮部尚書韋綬太常卿趙宗儒司農卿裴武京兆尹柳公綽右金吾衛將軍郭釵並令赴壇所其誓辭曰維唐承天撫有八紘聲教所臻靡不來廷兢業齋栗懼其隕顛續武紹文疊慶重光克彰濬哲罔忝洪緒十有二葉二百有四載則我太祖權明號而建不拔鋪鴻名而垂永久類上帝以荅嘉應享皇靈以酬景福曷有怠已越歲在癸丑冬十月癸酉文武孝德皇帝詔丞相臣植臣播臣元穎等與大蕃和使禮部尚書論訥羅等會盟于京師壇于城之西郊坎于壇北凡讀誓刑牲加書復壤陟降周旋之禮動無違

者蓋所以偃兵息人崇姻繼好懋建遠畧規恢長利故也原夫昊穹上臨黃祗下載茫茫蠢蠢之類必資官司爲厥宰臣苟無統紀則相滅絕中夏見管維唐是君西裔一方大蕃爲主自今而後屏去兵革宿忿舊惡廓然消除追崇舅甥曩昔繫援邊候撤警戍烽韜煙患難相卹暴掠不作亭障甌脫絕其交侵襟帶要害謹守如故彼無此詐此無彼虞嗚呼愛人爲仁保境爲信畏天爲智事神爲禮有一不至遭災于躬塞山崇崇河水湯湯日吉辰良奠其兩疆西爲大蕃東實巨唐文臣執簡播告狄方大蕃贊普及宰相鉢

闡布尚綺心兒等先寄盟文要節云蕃漢二邦各守見管本界彼此不得征討不得相爲寇讎不得侵謀境土若有所疑或要捉生問事優給衣糧放還今並依從更無添改預盟之官十七人皆列名焉是月劉元鼎等與論訥羅同赴吐蕃本國就盟仍勅元鼎到彼令宰相已下各于盟文後自書名元鼎至磨容館之間與蕃給事中論悉荅熱擁千餘騎議盟事於藏河汎川中時贊普建衙帳于野以柵槍爲壘每十步攢長槊百枝而中建大旆次第有三門相去百步門有甲士巫祝烏冠虎帶擊鼓擗箭入者必搜索而進

內起高臺環以寶楯帳日金帳其中緣飾多以金爲蚊螭虎豹之狀至甚精巧元鼎旣見贊普年可十七八號可黎可足弋衣白褐以朝霞纏頭坐佩金劍國馭蕃僧號鉢拏逋立於座右侍中宰相列於臺下翼日於衙帳西南具饌饌味酒器畧與漢同樂工奏秦王破陣樂涼州緣腰胡渭州百戲等皆中國人也所築盟臺濶十步高二尺漢使與蕃相及高位者十餘人相向列位酋領百餘人坐于壇下壇上設一榻高五六尺使鉢拏逋讀誓文則蕃中文字使人譯之讀訖歃血惟鉢製逋不預以僧故也盟畢於佛像前作

禮使僧諷文以爲誓約鬱金吮水飲訖引漢使使蕃行道相賀而退及元鼎迴過河州元帥尚榻藏卽蕃相尚綺心兒也館元鼎於大夏川中集東節度使將帥凡百餘人看本國所署盟文於臺上高聲曉讀讀訖因約束各守封界無相侵掠繇是太和已來隴外稍安

册府元龜

册府元龜

册府元龜

册府元龜

册府元龜

册府元龜

册府元龜

册府元龜

淮南李嗣京叅閱

西極文翔鳳訂正

豫章黃國琦較釋

外臣部 九百八十二

征討第一

夫中國之於夷狄羈縻勿絕而已其或申威攘之令  
舉攻伐之兵亦所以討不惠遏內侮震耀王靈攘除  
民患誠不得已而用之也白帝軒之世降及三代蠢  
兹荒獷嘗聞猾夏盖亦陳師薄伐殲夷驅逐流乎雅

頌紀乎春秋秦漢之後邊患繼作曷嘗不厲兵鞠旅  
 賦車籍馬徂征燹伐以見武節或頻出而無寧歲或  
 畧地而極遐徼以至宣威固圉庶民賴其保障解紛  
 救患殊俗被乎恩信原夫要荒之外聲教罕暨鷙猛  
 以成性貪慄而無厭自非內敦乎德義外施乎武怒  
 亦何以革其禍心而靖其亂畧哉嚴尤所謂戎狄之  
 侵譬猶蠱蠱之螫毆之而已真知言者歟

黃帝北逐葷粥 匈奴傳曰唐虞以上有山戎獫狁葷粥居于北蠻

夏后相二年征黃夷先是太康失國四夷背叛及后  
 相即位乃征吠夷七年然後來賓

商成湯即位征吠夷先是后傑之亂吠夷入居邠岐  
 之間成湯既興伐而攘之

高宗伐鬼方三年乃克 鬼方西羗也

武乙三十五年周王季伐西落鬼戎俘二十翟王也

太丁二年周人伐燕京之戎

四年周人伐余無之戎克之周王季命為殷牧師也

七年周人伐始呼之戎克之

十一年周人伐翳徒之戎捷其三大夫

周文王時西有昆夷之患北有獫狁之難遂攘戎狄

西戎之國莫不賓服

成王時東伐淮夷踐奄奄國在淮夷之北遷其君薄姑齊地

穆王時戎狄不貢王行大戎獲其五王

夷王時荒服不朝乃命虢公伐太原之戎至于俞泉

獲馬千匹

宣王時命秦仲伐戎為戎所殺乃召秦仲子莊公與

兵七千人伐戎破亡又命召穆公虎平淮夷先是懿

王時戎侵中國宣王興國命將以征伐之詩人美大

其功曰薄伐獫狁至于太原小雅六月之詩也薄伐言逐出之出車

彭彭城彼朔方小雅出車之詩也彭彭盛也朔方地也言獫狁既去北方安靜乃築城以

守又命方叔為將南征荊州之蠻作采芑詩曰方叔

涖止其車三千師干之試師衆干扞試用也又曰蠢爾蠻荆

大邦為讎方叔元老克壯其猶猶道也又曰顯允方叔

征伐獫狁蠻荆來威方叔先與吉甫征伐獫狁今特往伐蠻荆皆使其來服于宣王

威之

襄王十五年以翟王女為后十六年復絀翟后王子

帶開翟人翟人遂入周襄王出奔溫居外四年乃使

使告急于晉晉文公初立欲修霸業乃興師伐戎翟

誅子帶迎內襄王于維音維邑當是時秦晉為強國晉文

公攘戎狄居于西河圍維之間圍音器地理志圍水出上邽白土縣西東

流入于河圍水即今銀州銀水是也維水今亦謂之漆沮也號曰赤翟白翟



二十四年秋伐晉晉侯敗狄于箕卻缺獲白翟子

頃王時魯叔孫得臣敗翟于鹹魯地也獲長翟僑如富

父終生春其喉以戈殺之富父終甥魯大夫也春猶衝也埋其首于

子駒之門子駒魯郭門名以命宣伯宣伯叔孫得臣子喬如也臣獲喬如以名其子

使後世旌識其功初宋武公之世鄭瞞伐宋武公周平王時在春秋前二十

五年鄭瞞長翟國名司徒禦之以敗翟于長丘宋地獲長翟緣

斯喬如之祖也晉之滅潞在魯宣公十五年獲喬如弟芬如然後

終其事

定王六年鄭瞞伐齊王子城父獲其弟榮如埋其首

于北門按年表齊惠公二年衛人獲其弟簡如獲與喬如同時

鄭瞞由是遂亡長翟之種絕又定王時荀林父敗赤狄于

曲梁乃滅潞曲梁今廣平曲梁縣也鄭舒奔衛衛人歸諸晉晉

人殺之

景王時楚子聞蠻氏之亂也與蠻子之無質也質信也

使然丹誘戎蠻子嘉殺之遂取蠻氏既而復立其子

焉禮也誘之非也立其子禮也河南新城縣東南有蠻城敬王時楚人既克

夷虎夷虎蠻夷叛楚者乃謀北方左司馬販申公壽餘葉公

諸梁致蔡于負函三子楚大夫也此蔡之故地人民楚因以為邑致之者會其衆也

致方城之外于繪關負函繪關皆楚地曰吳將沂江入郢逆流

沂將奔命焉為一昔之期襲梁及霍偽辭當備吳夜結期明日便襲



梁霍使不知之梁河南梁縣西南故單浮餘圍蠻氏

蠻氏潰

浮餘楚大夫

蠻子亦奔晉陰地

陰地河南山北洎上雒以東至陸渾

司馬起豐析與戎狄

楚司馬耿也析縣屬南鄉郡析南有豐鄉皆楚邑發此二邑人

及戎

以臨上雒左師軍于莞和

莞和山在二雒東也

右師軍于

倉野

倉野在上雒縣

使謂陰地之命大夫士蔑

命大夫刷縣監尹

曰

晉楚有盟好惡同之若將不廢寡君之願也不然將

通於少習以聽命

少習商縣武關也將大開其武關道以伐晉者也

士蔑請

諸趙孟趙孟曰晉國未寧安能惡於楚必速與之

未

時有范中行

士蔑乃致九州之戎

九州戎在晉陰地陸渾者

將裂田

以與蠻子而城之

以詐蠻子

且將為之卜

卜

蠻子聽卜遂

執之與其五大夫以卑楚師于三戶

今丹水縣北有三戶亭

司

馬致邑立宗焉以誘其遺民

楚復詐為蠻子作邑立其宗主

而盡俘

以歸

元王元年楚沈諸梁伐東夷

報

三夷男女及楚師盟

于敖

從越之夷三種敖東夷地

秦始皇三十二年燕人盧生使入海還以鬼神事因

奏錄圖書曰亡秦者胡也

胡胡亥秦二世名也秦見圖書不知此為人胡反備

胡始皇乃使將軍蒙恬發兵三十萬人北擊胡畧取

河南地三十三年發諸嘗逋亡人贅墾

贅謂若窮有子使就其婦

家為贅婿

賈人畧取河南陝西地為桂林

今鬱林是

象郡

今日

南海以適遣戍五十萬人西北斥逐匈奴自榆中在

城並河以東並音傍依傍也屬之陰山在五原北以為三十四縣

城河上為塞又使蒙恬渡河取高關陶山北假口王莽

傳曰五原北假膏壤築亭障以逐戎人徙謫實之

漢高帝七年匈奴大攻圍馬邑代王信即韓王信也降匈

奴匈奴得信因引兵南踰句注攻太原至晉陽下帝

自將往擊之會冬大寒雨雪卒之墮指者十二三

文帝三年五月匈奴入居北地河南為寇北地郡之北黃河之

南即日帝幸甘泉天子車駕所至民臣為僥幸故曰幸見令長三老官屬親臨軒作樂

賜以食白越巾佩帶之屬民爵有級數或賜田租之半故因謂之幸也甘泉在雲陽本秦林光宮遣

丞相灌嬰擊匈奴去十四年冬匈奴寇邊殺北

地都尉卬功臣表云卬字孫單以為北地都尉卬力戰死事文帝十四年封與此正合然則

卬姓孫而徐廣乃云姓段說者因曰段會宗卽卬之玄孫無所據也會宗漢書有傳班固不云是卬後何

從而知之乎遣三將軍軍隴西北地上郡中尉周舍為衛

軍郎中令張武車騎將軍軍渭北車千乘騎卒十萬

人帝親勞軍勒兵申教令申謂約束之賜吏卒自欲征匈

奴群臣諫不聽皇太后固要帝乃止要欲也哀痛於

是以東陽侯張相如為大將軍建成侯董赫內史樂

布皆為將軍擊匈奴匈奴走

武帝建元三年七月越圍東甌東甌告急遣中大夫



嚴助持節發會稽兵浮兵救之未至閩越兵走

六年八月閩越王郢攻南越遣大行王恢將兵出豫

章大司農韓安國出會稽擊之未至越人殺郢降兵

還初閩粵擊南粵南粵守以天子約不敢擅發兵而

以聞帝遣恢及安國皆為將軍兵未踰踰與嶺閩越

王郢發兵距險其弟餘善與宗族謀曰王以擅發兵

不請故天子兵來誅漢兵衆強即幸勝之後來益多

言漢地廣大兵衆盛強滅國乃止今殺王以謝天子

天子罷兵固國完不聽乃力戰不勝即亡入海皆曰

善即縱殺王縱音初使使奉其頭致大行大行曰所

江切

為來者誅王王頭至不戰而殞利莫大焉乃以便宜

案兵告大司農軍而使使奉王頭馳報天子詔罷兩

將軍兵

元光六年春匈奴入上谷殺畧吏民遣車騎將軍衛

青出上谷騎將軍公孫敖出代輕車將軍公孫賀出

雲中驍騎將軍李廣出鴈門青至龍城匈奴單于祭

各其處獲首虜七百級廣敖失師而還天大會諸國

元朔元年秋匈奴入遼西殺太守入漁陽雁門敗都

尉殺畧三千餘人遣將軍衛青出雁門將軍李息出

代獲首虜數千級

二年正月匈奴入上谷漁陽殺畧吏民千餘人造將

軍衛青李息出雲中至高闕

山名也一日塞名也在南朔方之北遂西

至符離

幕北塞名也

獲首虜數千級收河南地置朔方五

原郡

四年夏匈奴入代定襄上郡殺數千人明年春大將

軍衛青將六將軍兵十餘萬出朔方高闕獲首虜萬

五千級

五年秋朔匈奴入代殺都尉明年二月大將軍衛青

將六將軍兵十餘萬騎出定襄斬首三千餘級還休

士馬于定襄雲中雁門四月青復將六將軍絕漠

漢沙

漠匈奴之南界也沙土日漠直度日絕或云是塞外

地名非也漢者即今之突厥中磧耳李陵歌日經千里今渡

沙漠大克獲前將軍趙信軍敗降匈奴右將軍蘇

建亡軍獨身脫還贖為庶人

元狩二年三月遣驃騎將軍霍去病出隴西至臯蘭

臯蘭山名也霍去病傳日過馬支山千有餘里合矩兵塵臯蘭下則北山也塵音鳥高功切

斬首

八千餘級是月將軍去病公孫敖出北地千餘里過

居延

居延匈奴中地名韋昭以張掖所置居延縣者以要安處所獲居延人置此縣

斬首虜

三萬餘級匈奴入雁門殺畧數百人遣衛尉張騫郎

中令李廣皆出右北平廣殺匈奴三千餘人盡亡其

軍四千人獨身脫還及公孫敖張騫皆後期當斬贖

為庶人

四年春將軍衛青將四將軍出定襄將軍去病出代

各將五萬騎步兵踵軍後數十萬人踵接也猶言躡其踵青至

漠北圍單于斬首萬九千級至闐顏山乃還闐音填塞之填

去病與左賢王戰斬獲首虜七萬餘級封狼居胥山

乃還登山祭天築土為封兩軍戰士死者數萬人前

將軍廣後將軍食其皆後期廣自殺食其贖死李廣傳云

引兵與右將軍食其合軍出東道又曰廣自剄右將

軍下吏當死贖為庶人霍去病傳亦云趙食其為右

將軍平陽侯襄為後將軍此紀為誤也傳寫者誤以右為後食其音異基

元鼎五年四月南越王相臣呂嘉等反殺漢使者及

其王王太后以衛尉路博德為伏波將軍出桂陽下

湟水湟音皇主爵都尉楊僕為樓船將軍出豫章下橫

浦一云下故歸義越侯二人為戈船下瀨將軍從粵來歸

義而漢封之戈船出零陵或下瀨水或抵蒼梧使馳

各嚴下瀨各申義侯遺因巴蜀罪人發夜郎兵下犍牂江咸會番禺

六年十月遂定越地

九月先零羌與封養牢姐種解仇結盟與匈奴通合

兵十餘萬共攻令居故安遂圍抱罕明年十月發隴

西天水安定騎士及中尉河南河北卒十萬人遣將

軍李息郎中令徐自為擊平之始置護羌校尉持節



統領焉

是年南夷且蘭君殺漢使者反帝廼發巴蜀罪人當

擊南越者八較尉擊之會越已破漢八較尉不下中

郎將郭昌衛廣引兵還行誅隔滇道者且蘭言因軍行而使

誅之也斬首數萬遂平南夷為牂牁郡

六年秋閩粵王餘善刻武帝璽自立詐其民為妄言

妄自尊大也帝遣橫海將軍韓說出句章說讀為悅句章會稽之縣浮

海從東方往樓船將軍僕出武林楊僕也中尉王溫舒

出梅嶺粵侯王為戈船下瀨將軍出如邪白沙明等

冬咸入東粵東粵素發兵距險使徇北將軍守武林

敗樓船軍數較尉殺長史樓船軍卒錢唐椽終古斬

徇北將軍錢唐會稽縣也椽姓終古名也椽音袁為語見侯越中地也今吳南亭

是語字或作禦或非禦其音同竟平閩粵

元封二年四月朝鮮王攻殺遼東都尉乃募天下死

罪擊之先是朝鮮王右渠誘漢亡人滋多又未嘗入

見不朝見天子也漢使涉何譙諭右渠終不肯奉詔譙責讓也何

去至界臨沮水使馭刺殺送何者朝鮮裨王長長者裨王

名也送何至沮水上何因刺殺之遂歸報天子曰殺朝鮮將帝為其

名美弗詰拜何為遼東東部都尉朝鮮怨何發兵襲

攻殺何天子募罪人擊朝鮮其秋遣樓船將軍楊僕

從濟浮渤海兵五萬左將軍苟晷出遼東誅右渠

二年夏朝鮮相尼谿相叅使人殺其王右渠來降初

左將軍苟晷樓船將軍楊僕擊朝鮮二將不和右將

軍與使者執樓船將軍左將軍已并兩軍即急擊朝

鮮朝鮮相路人相韓陶尼谿相叅將軍王啖音頰相與

謀日始欲降樓船樓船今執獨左將軍并將戰益急

恐不能與不能與猶言不如也王又不肯降陶啖路人皆亡降

漢路人道死尼谿相叅乃使人殺朝鮮王右渠來降

王險城未下故右渠之大臣成已又反復攻使左將

軍使右渠子長右渠之子名長降相路人子最相路人前已降漢而死于

道故謂之降相最者其子名告諭其民誅成已故遂定朝鮮

太初元年八月遣貳師將軍李廣利發天下謫民西

征大宛初貳師起燉煌西為人多道上國不能食起發

也道上國近道諸國也食讀日飲分為數軍從南北道較尉王申生

故鴻臚壺克國等千餘人別至郁城城守不肯給食

申生去大軍二百里負而輕之負恃也恃大軍之威而輕敵人攻郁

成急郁成窺知申生軍少晨用三千人攻殺申生等

人脫亡走貳師走音奏貳師令搜粟都尉上官桀往攻

破郁成郁成降其王亡走康若桀追至康居康居聞

漢已破宛出郁成王與桀桀令四騎士縛守詣大將



軍

時多別將故謂貳師為大將軍

四人相謂郁成漢所毒

言毒恨

今生

將卒

卒讀日猝

失事大欲殺莫適先擊

適往也無有主意先擊者也音丁歷

切

上却騎士趙第拔劍擊斬郁成王桀等遂追及大

將軍

刀平春斬大宛王首

二年秋遣浚稽將軍趙破奴

浚稽山在武威塞北匈奴嘗所以為障蔽浚音

俊稽

音雞二萬騎出朔方擊匈奴

天漢二年五月貳師將軍李廣利三萬騎出酒泉與

右賢王戰于天山

在西域近蒲類國去長安八千餘里即祁連山也匈奴謂天為祁連

音匡夷切今鮮卑語尚然

斬首虜萬餘級又遣因杆將軍出西河

騎都尉李陵將步兵五千人出居延與單于戰斬首

虜萬餘級

陵兵敗降匈奴

四年正月發天下七科謫

吏有罪一亡命二贅婿三賈人四故有市籍五父母

有市籍六大父母有市籍七凡七科也

及勇敢士遣貳師將軍李廣利

將六萬騎步兵七萬人出師朔方因杆將軍公孫敖

萬騎軍步兵三萬人出雁門游擊將軍韓銳

銳讀日俛步

兵三萬人出五原强弩都尉路博德步兵萬餘人與

貳師會廣利與單于戰余吾水上連日數與左賢王

戰不利皆引還

征和三年正月匈奴入五原酒泉殺兩都尉遣貳師

將軍廣利將七萬人出五原御史大夫商丘成三萬



丹元... 征討一... 卷之九百八十二

人出西河重合侯馬通四萬騎入酒泉成至浚稽山

上音俊 下音雞與虜戰多斬首通至天山虜引去因降車師

皆引兵還 廣利敗 降匈奴

昭帝始元元年夏益州廉頭姑繒民反殺長吏牂牁

談指同並等二十四邑凡三萬餘人皆反 皆西南夷 別種名也

並音 伴遣水衡都尉呂破胡募吏民及發蜀都犍為犍

命萬餘人 犍古 奔字擊牂牁大破之四年姑繒葉榆復反

遣水衡都尉呂辟胡將郡兵擊之 辟音 必辟胡不進蠻

夷遂殺益州太守乘勝與辟胡戰士戰及溺死者四

千餘人明年復遣軍正王平與大鴻臚田廣明等益

進大破益州斬首捕虜五萬餘級獲畜產十餘萬

元鳳元年三月武都氏人反遣執金吾馬適建 姓馬 適名

建龍額侯韓增與大鴻臚廣明將三輔太嘗徒皆免

刑擊之 是時太嘗主 諸陵縣治民

三年匈奴東擊破烏桓大將軍霍光聞之因遣使度

遼將軍范明友將二萬騎出遼東邀匈奴而虜已引

兵明友乘烏桓新敗遂進擊之斬首六千餘人獲其

三五首而還

六年夏烏桓復犯塞遣度遼將軍范明友擊之

宣帝本始二年匈奴數侵邊又西伐烏孫烏孫昆彌



及公主國使者上書

昆彌烏孫王之號也

言昆彌願

發國精兵擊匈奴惟天子哀憐出兵以救公主秋大

發兵調關東輕車銳卒

調亦選也銳利言其勇利也調音徒鈞切

選郡國

使三百石伉健習騎射者皆從軍

伉強也音口浪切

御史大

夫田廣明為祁連將軍

祁連匈奴中山名也諸將分部廣明值此山因為號也

後將軍趙克國為蒲類將軍

蒲類匈奴中海名也在焯煌北匈奴傳有蒲類

澤雲中太守田順為虎牙將軍及度遼將軍范明友

前將軍韓增凡五將軍兵十五萬騎較尉嘗惠持節

護烏孫兵咸擊匈奴

又云昭帝時烏孫楚公主上言匈奴發騎田車師車師與匈奴

為一兵侵烏孫天子幸救之漢養士馬議欲擊匈奴宣帝初會公主及昆彌皆遣使上書言匈奴復連發

大兵侵擊烏孫取車延惡師帝收人民去使使謂烏孫趣持公主來趣讀日促卻隔絕漢昆彌願國半出兵自給人馬五萬騎盡力擊匈奴惟天子出兵以救公主昆彌漢兵大發十五萬騎五將軍分道並出遣較尉嘗惠使持節護烏孫兵昆彌自將翁侯以下五萬騎從西方入至右谷蠡王庭獲單于父行及嫂若自名主黎汁都尉千長騎將以下四萬級馬牛羊駝橐駝凡獲千餘萬頭烏孫皆自取其所虜獲焉兵乃止

地節二年車師王烏貴立與匈奴結婚姻漢遣侍郎

鄭吉較尉司馬憲

憲音許吏切

將免刑罪人田渠梨積穀

欲以攻車師至秋收穀吉憲發城郭諸國兵萬餘人

自與所將田士千五百人共擊車師攻交河城破之

王尚在其北石城中未得會軍食盡吉等且罷兵歸

渠梨田收秋畢復發兵攻車師王於石城王問漢兵且至北走匈奴求救未爲發兵王來還與貴人蘇猶議欲降漢恐不見信蘇猶教王擊匈奴邊國小蒲類斬首畧其人民以降吉車師旁小金附國隨漢軍後盜車師車師王復自請擊破金附匈奴聞車師降漢發兵攻車師吉憲引兵北逢之匈奴不敢前吉憲卽留一侯與卒二千人留守王吉等引兵歸渠梨車師王恐匈奴兵復至而見殺也乃輕騎奔烏孫吉卽迎其妻子置渠梨東奏事至酒泉有詔還田渠梨及車師益積穀以安西國侵匈奴吉還傳送車師王妻子

詣長安賞賜甚厚每朝會四夷嘗尊顯以示之於是吉始使吏卒三百人別田居車師得降者言單于大害人國不可不爭也果遣騎來擊田者吉乃與較尉盡將渠梨田士千五百人往田匈奴復益遣騎來漢田卒少不能當保車師城中匈奴將卽其城下謂吉曰卽就也單于必爭此地不可田也圍城數日乃解後嘗數千騎往來守車師吉上言車師去渠梨千餘里間以山河間隔也立居莧切北近匈奴漢兵在渠梨者勢不能相救願益田卒公卿議以爲道遠煩費可且罷車

師田者遣詔長羅侯常惠也將張掖酒泉騎出車師北

十餘里揚威武車師旁胡騎引兵去吉乃得出歸

元康三年先零與諸羌共盟誓將欲寇邊帝聞使光

祿大夫義渠安國義渠姓也將兵觀之安國至召先零豪

四十餘人斬之因放兵擊其種斬首千餘級於是諸

羌然怒遂寇金城乃遣趙克國與諸將將兵六萬人

擊破平之

神爵元年三月西羌反發三輔中都官徒弛刑及應

募飲飛射士羽林孤兒胡越騎三河潁州沛郡淮陽

汝南材官金城隴西天水安定北地上郡騎士羌騎

詣金城遣後將軍趙克國強弩將軍許延壽擊之

甘露二年四月遣護軍都尉祿將兵擊珠崖

元帝建昭三年秋使護西域騎都尉甘延壽副校尉

陳湯言延壽及湯本克西域之使故先言使而後序其官職及姓名也橋發戊巳較

尉屯田吏士及西域胡兵攻郅支單于橋與矯同矯詐也實不奉

詔詐以上命發兵故言矯發也戊巳較尉者鎮安西域無主治處也亦猶甲乙等名有方位而戊于巳四

季等王故以名官也時有戊較尉文有巳較尉位在中央今所置較尉處三十六國之中故曰戊巳也郅

音質各斬其首傳詣京師縣蠻夷邸門

成帝時陳立為牂牁太守立臨邛人前為連然長不

韋令皆益州縣也蠻夷畏之及至牂牁論告夜郎王興與

不從命立請誅之未報乃從吏數十人出行縣

行音下更

切至興國且同亭

且音子余切

召興興將數千人往至亭

從邑君數十人入見立數責因斷頭

數見所具切

邑君曰

將軍誅亡狀為民除害願出曉士眾以興頭示之皆

釋兵降

釋解也

鉤町王禹漏卧侯俞震恐入粟千斛牛

牟勞吏士還歸郡興妻父翁指子邪務收餘兵迫脅

旁二十二邑反至東立奏募諸夷與都尉長史分將

攻翁指等翁指據空為壘立使奇兵絕其糧道縱反

間以誘其眾

間音居見切

都尉方年曰兵久不決費不可

共

共供也

引兵獨進敗走趨立營

趨讀日趨趨向也

立怒叱戲

下令格之

戲音許宜切又音麾

都尉復還戰立引救之時天大

旱立攻絕其水道蠻夷兵斬翁指持首出降立已平

定西夷徵詣京師

平帝元始中車師後王國有新道出五船北通玉門

關往來羗近戍已較尉徐普欲開以省道里半避自

龍堆之阨車師後王姑句

音鉤

以道當為柱置

柱者支柱也言

有所置立而支柱於已故心不便也柱音竹羽切又竹具切其字從手而讀之者或不曉以柱為梁柱反分破其句言置柱于心皆失之矣心不便也地又頗與句奴南將軍

地接普欲分明其界然後奉之召姑句使證之不肯

繫之姑句數以牛羊賅吏求出不得姑句家矛端生

火其妻脫紫陬

陬音子 侯切

謂姑句日矛端生火此兵氣

也利以用兵前車師前王為都護司馬所殺今久繫

必死不如降匈奴即馳突出高昌壁入匈奴又去胡

來王唐兜國比大種赤水羗

比近也音 皮寐切

數相寇不勝

告急都護都護但欲不以時救助唐兜因忿然欲東

守玉門關玉門關不內即將妻子人民千餘人亡降

匈奴匈奴受之而遣使上書言狀是時新都侯王莽

秉政遣中郎將王昌等使匈奴告單于西域內屬不

當得受單于謝罪執二王以付使者莽使中郎將王

萌待西域惡都奴界上逢受

逢受謂先至道之 逢見即受取也

單于

遣使送因請其罪

請免 其罪

使者以聞莽不聽詔下會西

域諸國王陳軍斬姑句唐兜以示之

册府元龜

淮南李嗣京叅閱

西極文翔鳳訂正

豫章黃國琦較釋

外臣部

九百八十三

征討第二

後漢光武建武十年正月匈奴左南將軍將數千騎  
救盧芳將賈覽於向柳大司馬吳漢率捕虜將軍王  
霸等五將軍與戰于平城下破之追出塞斬首數百  
級

十三年漢復將弛刑徒起亭障自代至平城三百餘里凡與匈奴烏桓大小數十百戰

十一月先零羗寇金城隴西中郎將來欵率諸將擊

羗於五谿大破之 隴西襄武縣有五谿聚

十一年先零羗寇臨洮隴西太守馬援破降之徙置

天水隴西扶風三郡

十二年武都參狼羗反隴西太守馬援討降之

十九年九月西南夷寇益州郡 故城在今昆州晉寧縣是遣武威

將軍劉尚討之二十一年正月諸夷悉平

二十一年四月安定屬國胡叛屯聚青山 青山在今慶州馬嶺

縣西遣將兵長吏陳訢討平之 訢音欣

十月遣伏波將軍馬援出塞擊烏桓不克

二十三年正月南郡蠻叛遣武威將軍劉尚討破之

徙其種人於江夏 郡各故城在今安州雲夢縣東南

十二月武陵蠻叛寇掠郡縣遣劉向討戰于沅水 武

郡今郎州也沅水各出牂牁東尚軍敗歿

二十四年七月武陵蠻寇臨洮遣謁者李嵩中山太

守馬成討蠻不克於是伏波將軍馬援率四將軍討

之

二十五年十月叛蠻悉降



中元元年十二月參狼羗寇武都敗郡兵隴西太守  
劉盱遣軍救之及武都郡兵討叛羗皆破之於是軍  
遂班師

明帝以中元二年二月即位九月燒當羗寇隴西敗

郡兵于允街縣名屬金城郡遣謁者張鴻討叛羗于允吾縣名

屬金城郡十一月遣中郎將竇固監捕虜將軍馬武等二

將軍討燒當羗明年七月大破之

永平元年史不書月遼東太守祭彤使緡甲擊赤山烏桓

大破之斬其渠帥赤山在遼東西北數千里

是年復遣中郎將竇固捕虜將軍馬武等擊渙吾於

西邯大破之始復夷叛益州刺史發兵討破之斬其

渠帥傳首京師

十五年帝欲遵武帝故事擊匈奴通西域以竇固明

習邊事固舊隨融在河西曉知邊事拜為奉車都尉以騎都尉耿

忠為副忠之謁者僕射耿東為駙馬都尉秦彭為副

皆置從事司馬並出屯涼州明年固與忠率酒泉燉

煌張掖甲卒及盧水羗胡案湟水東經臨江縣胡城北又東盧溪水出西南盧

川即其地也萬二千騎出酒泉塞耿秉秦彭率武威隴西

天水募士及羗胡萬騎出居延塞居延塞在今甘肅張掖縣東北太

僕祭彤度遼將軍吳棠將河東北地西河羗胡及南

外臣部

單于兵萬一千騎出高關塞高關山名在朔方北騎都尉來苗

護烏桓較尉文穆將太原雁門代郡上谷漁陽右北

平定襄郡兵及烏桓鮮卑萬一千騎出平城塞固忠

至天山即祁連山也今在西川交河縣東北今名祁縣羅漫山擊呼衍王斬首

千餘級呼衍王走追至蒲類海蒲類海今名婆悉海在庭州蒲昌縣東南

也留吏士屯伊吾盧城伊吾今伊州縣也本匈奴地明帝置宜和都尉此為屯田

故地今伊州納職縣伊吾故小城地也耿秉秦彭絕漠六百餘里至三

水樓山匈奴中來苗文穆至匈奴河水上盧皆奔走

十六年命將帥北征匈奴取伊吾盧地

十七年十一月遣奉車都尉竇固駙馬都尉耿秉騎

都尉劉張出燉煌昆崙塞昆崙山名因以為羅在今肅州酒泉縣西南山有昆

崙之體故名之周穆王見西王母于北山有石室王母臺擊破白山盧於蒲類海

上遂入車師

章帝建初元年正月酒泉太守段彭討擊車師大破

之

二月武陵澄中蠻陳從等叛十月郡兵討破降之

九月永昌哀牢夷叛明年三月永昌越雋益州三州

民夷討叛平之

二年六月燒當羌叛金城太守郝崇討之敗績羌遂

寇漢陽八月遣行車騎將軍馬防討平之斬首一千



級

其年燒當迷吾與封養種豪布橋等五萬人共寇隴西漢陽於是遣行車騎將軍馬防長水校尉耿恭討之明年四月防等破燒當羗於臨洮

三年閏四月西域假司馬班超擊姑墨大破之先是莎車以爲漢兵不出遂降於龜茲而疏勒都尉番辰亦復反叛會假司馬徐幹適至超遂與幹擊番辰大破之斬首千餘級多獲生口超旣破番辰欲進攻龜茲以烏孫兵強宜因其力乃上言烏孫大國控茲十萬故武帝妻以公主至孝宣皇帝卒得其用今可遣

使招慰與共合力帝納之復遣假司馬和恭等四大將兵八百詣超超因發疏勒于闐兵擊莎車莎車陰通使疏勒王忠啖以重利忠遂反從之西保烏郎城超乃更立其府丞成大爲疏勒王悉發其不反者以攻忠積半歲而康居遣精兵救之超不能下是時月氏新與康居爲婚相親超乃使使多齎錦帛遣月氏王令曉示康居王康居王乃罷兵執忠以歸其國烏郎城遂降於超後三年忠說康居王借兵還據損中

損中未詳東觀記作賴中續漢書及華喬書並作損中本或作植未知其孰是也

密與龜茲

謀遣使詐降於超超內知其姦而外僞許之忠大喜

郎從輕騎詣超超密勒兵待之為供張設樂

供音居  
角切張

音竹  
亮切

酒行乃叱吏縛忠斬之因擊破其衆殺七百餘

人南道於是遂通後永元三年超為西域都護徐幹  
為長史拜白霸為龜茲王遣司馬姚光送之超與光  
共脅龜茲廢其王尤利多而立白霸使光將尤利多  
還詣京師超居龜茲屯乾城徐幹屯疏勒西域惟焉  
耆危須尉犁以前沒都護懷二心其餘悉定六年秋  
超遂發龜茲鄯善等八國兵合七萬人及吏士賈客  
千四百人討焉耆兵到尉犁界而遣曉說焉耆尉黎  
危須曰都護來者欲鎮撫三國即欲改過向善宜遣

大人來迎賞賜王侯已下事畢即還今賜王綵五百  
疋焉耆王廣遣其左將北鞬支奉牛酒迎超超詰鞬  
支曰汝雖匈奴侍子而今秉國之權都護自來王不  
以時迎皆汝罪也或謂超可便殺之超曰非汝所及  
此人權重於王今未入其國而殺之遂令自疑設備  
守險豈得到其城下哉於是賜而遣之廣乃與大人  
迎超於尉黎奉獻珍物焉耆國有葦橋之險廣乃絕  
橋不欲令漢軍入國超便從他道厲度七月晦到焉  
耆去城二十里正營大澤中廣出不意大恐乃欲悉  
驅其人共入山保焉耆左侯元孟先嘗質京師密遣

使以事告超即斬之示不信用乃期大會諸國王因  
 楊聲重加賞賜於是焉耆王廣尉黎王汎及北韃支  
 等三十人相率詣超其國相腹久等十七人懼誅皆  
 亡入海十七字或為七十而危須王亦不至坐定超怒詰廣  
 曰危須王何故不到腹久等所緣逃亡遂叱吏士收  
 廣汎等於陳睦故城斬之傳首京師因縱兵鈔掠斬  
 首五千餘級獲生口萬五千人馬畜牛羊三十餘萬  
 頭更立元孟為焉耆王半歲慰撫之於是西域五十  
 餘國悉皆納質內屬焉

五年三月荆豫諸郡兵討破武陵淩中叛蠻

先是三年冬淩

中蠻覃兒健等復反攻燒零陽作唐孱陵界中明年  
 春發荆州七郡及汝南潁川弛刑徒吏士五千餘人  
 拒守零陽募克中五星蠻積夫不叛者四千人擊淩  
 中賊五年春覃兒健等請降不許郡國遣兵與戰于  
 宛下大破之斬兒健首餘  
 皆棄營走還淩中者也

章和元年春羗胡雜種叛護羗較尉傳育上請發隴  
 西張掖酒泉各五千人諸郡太守將之育自領漢陽  
 金城五千人合二萬兵與諸郡尅期擊之命隴西兵  
 據河南張掖酒泉兵遮其西并未及會育軍獨進迷  
 吾聞之徙廬落去育選精騎三千窮追之夜至建威  
 南三兜谷去虜數十里須且擊之不設備迷吾乃伏  
 兵三百人夜突育營營中警環散走育下馬手戰殺



十餘人而死死死者八百八十人及諸郡兵到老遂引去

七月燒當羗寇金城護羗較尉劉盱討之斬其渠帥

和帝以章和二年二月卽位十月以侍中竇憲爲車

騎將軍伐北匈奴

永元元年六月車騎將軍竇憲出雞鹿塞

今在朔方  
窳渾縣北

關駟十三州志云窳縣有大道  
西北出雞鹿塞窳音羊王切

度遼將軍鄧鴻出柶

陽塞

柶陽縣屬九原郡故城在  
今勝州銀城縣界柶音困

南單于出滿夷谷

滿夷

谷關與北匈奴戰於稽落山大破之追至和渠北鞬

海憲遂登燕然山刻石勒功而還

二年五月月氏國遣兵攻西域長史班超擊降之

三年二月大將軍竇憲遣左較尉耿夔出居延塞

居延

縣屬張掖郡圍北單于於金微山大破之獲其母閼氏

四年冬濃中澧中蠻潭戎等反燒燔郵亭殺畧吏民

武陵郡兵擊破降之

五年九月北匈奴單于於除鞬自畔還北帝遣將兵

長史王輔以千餘騎與中郎將任尚共追誘將還斬

之破滅其衆

是年護羗較尉貫友討燒當羗羗乃遁去南單于安

國叛骨都侯喜斬之

六年七月西域都護班超大破焉耆尉犁斬其王南單于安國從弟子逢侯率叛胡亡出塞九月癸丑以光祿勳鄧鴻行車騎將軍事與越騎較尉馮柱行度遼將軍朱徽使匈奴中郎將杜崇討之

十一月護烏桓較尉任尚率烏桓鮮卑大破逢侯

關

十三州志云護烏桓擁節秩比二千石武帝置以護內付烏桓既而并於匈奴中郎將中興初班彪上言宜復此官以招附東胡於是復更置焉馮柱遣兵追擊復之武陵淩中

蠻叛郡兵討平之

八年五月南匈奴右溫禺犢王叛為寇七月行度遼將軍龐奮越騎較尉馮柱追討斬右溫禺犢王

是年衆羌擊破隴西兵殺大夏長遣行征西將軍劉尚越騎較尉趙代副將北軍五營黎陽雍營三輔積射及邊兵羌胡三萬人討之

九年三月遣西域將兵長史王林發涼州六部兵及羌虜胡二萬餘人以討車師後部王涿鞮獲首虜千餘人涿鞮入北匈奴漢軍追擊破之立涿鞮弟農奇為王

七月燒當羌寇隴西殺長史遣行征西將軍劉尚越騎較尉趙世等討破之

十二年四月日南象林蠻夷二千餘人寇掠百姓燔

燒官寺郡縣發兵討擊斬其渠帥餘眾乃降

十三年二月西羌迷唐復將兵向塞護羌校尉周鮪

與金城太守侯霸及諸郡兵屬國湟中月氏諸隴西

牢姐羌合三萬人出塞至允川與迷唐戰周鮪還營

自守惟侯霸兵陷陳斬首四百餘級羌眾折傷種人

瓦解降者六千餘口分徙漢陽安定隴西迷唐遂弱

其種眾不滿千人遠踰四支河首依發羌居

十四年四月遣使者督荊州兵討巫蠻破降之

安帝永初三年十月南單于叛圍中郎將耿种於美

稷遣車騎將軍何熙度遼將軍梁懂等討之明年正

月破之於屬國故城

一云三年夏漢人韓琮隨南單于擅入朝既還說南單于云聞

東水漬人民饑餓死盡可擊也單于信其言遂起兵

反叛攻中郎耿种於美稷秋彪卒冬遣行車騎將軍

何熙副中郎龐雄擊之四年春擅遣單于騎寇嘗山

中山以西域較尉梁懂行度遼將軍與遼東太守耿

夔擊單于單于見諸軍並進大恐怖願謂韓琮曰汝

言漢人死盡今是何等人也乃遣使乞降許之單于

脫帽徒跣對龐雄等拜陳道死罪於是赦之遇待如

初乃還所斂漢民男女及羌所畧轉賣入匈奴中者

萬餘人

五年九月先零諸種羌攻陷上邽城

七年七月護羌校尉侯霸騎都尉馬賢討破先零羌

元初二年三月先零羌寇益州詔遣中郎將尹就討

之



丹元... 征討二... 卷之九十三

十二月武陵澧中蠻叛州郡擊破之 又云元初二年澧中蠻以郡縣

徭稅大半懷怨憾遂結克中諸種二千餘人攻城殺長吏州郡募五里蠻夷六亭兵擊破之

三年正月蒼梧鬱林合浦蠻夷反叛二月遣侍御史

任遠督州郡兵討之

五月武陵蠻夷叛州郡討破之 又云是年秋澧中蠻四千人並為盜賊又

零蠻羊孫陽湯等千餘人著赤幘稱將軍燒官寺鈔掠百姓州縣募善蠻討平之

是月度遼將軍鄧遵率南匈奴擊先零羗於靈州破

之

六月中郎將任尚將羽林緹騎五營子弟三千五百

人屯三輔尚遣兵擊破先零羗於丁奚城十二月尚

又遣假司馬募陷陣士擊零昌於北地殺其妻子得

牛馬羊二萬頭燒其廬落親斬首七百餘級得僭號

文書及所假諸將印綬

四年十二月中郎將任尚將諸郡兵與馬賢並進北

地擊狼莫賢先至安定青石崖狼莫逆擊敗之會尚

兵到高平因合勢俱進狼莫等引退乃轉營追之至

北地相持六十餘日戰於富平河上大破之斬首五

千級還得所畧人男女千餘人牛馬駟羊駱駝十餘

萬頭狼莫逃走

五年正月越雋夷以卷夷大牛種等反叛末昌益州

冊府元龜 外臣部 卷之九百八十三 十一

蜀郡夷皆叛應之破壞二十餘縣詔益州刺史張喬  
選堪能從事討之喬遣從事楊竦將兵至牂榆擊之  
斬首三萬餘級

六年春姐種與隗西種羌號良等通謀欲反護羌較  
尉馬賢逆擊之於安胡斬號良及種人數百級餘皆  
降散

七月鮮卑寇馬城在今朔州度遼將軍鄧遵率南單于擊  
破之

建光元年正月幽州刺史馮煥率二郡太守討高句  
驪滅貊不尅又云元初五年句驪復與濊貊寇玄菟  
攻華臺城建光元年春幽州刺史馮煥

玄菟太守遼東太守蔡諷等將兵出塞擊之捕斬濊  
貊渠帥獲兵馬財物其秋句驪又率馬韓濊貊數千  
騎圍玄菟扶餘王遣子尉仇台將二萬餘  
人與州郡并力討破之斬首五百餘級

延光元年七月度人種羌與上郡胡及叛攻穀羅城  
屬西河郡度遼將軍耿夔將諸郡兵及烏桓騎赴擊破之

二年正月旄牛夷叛寇靈開殺縣令靈開道屬益州  
赴雋郡刺史屬郡西部都尉討之

三年五月南匈奴左日逐王叛使匈奴中郎將馬冀  
討破之時烏稽侯尸逐鞮單于新降一部大人阿族  
等遂反叛脅呼尤徽欲與俱去呼尤徽曰我老矣受  
漢家恩寧死不能相隨衆欲殺之有救之者得免阿



刑部... 征討二... 卷之九... 十三

族等遂將妻子輜重亡去翼遣兵與胡騎追擊破之  
斬首及自投河死者殆盡殆近也死盡獲馬牛羊萬  
餘頭

四年西域長史班勇擊車師後王軍就初末寧元年  
軍就反叛殺後部司馬及燉煌行事至是大破斬之  
順帝永建元年二月隴西種羌叛護羌校尉馬賢將  
七千餘人戰于臨洮斬首千餘級皆率衆人降自是  
涼州無事

二年二月鮮卑寇遼東玄菟護烏桓校尉耿种率南  
單于擊破之

六月西域長史班勇燉煌太守張朗討焉耆尉犁危  
須三國破之

陽嘉元年燉煌太守徐繇遣疏勒王臣槃發二萬人  
擊于闐先是永建四年于闐王放前殺拘彌王與自  
立其子爲拘彌王而遣使者貢獻於漢繇上言求討  
之帝赦于闐罪令歸拘彌國放前不肯至是繇討破  
之斬首數百級放兵大掠更立興宗人成國爲拘彌  
王而還

二年三月使匈奴中郎將王稠率左骨都侯等擊鮮  
卑破之

外臣部  
十三

三年四月車師後部司馬幸後部王加特奴等掩擊  
匈奴大破之獲其季母

七月鍾羗良封等寇隴西漢陽護羗校尉馬續擊破  
之斬首千八百級獲馬牛羊五萬餘頭復進擊鍾羗  
且昌且昌等詣涼州降

永和二年二月廣漢屬國都尉擊白馬羗斬首六百  
餘級初羗攻破屯官反叛連年至是破之護羗校尉  
馬賢又擊斬其渠帥饑指鬼祖等二百級於是隴右  
復平

二年十月燒當種耶離等三千餘騎突金城塞馬賢  
將兵赴擊斬首四百餘級獲馬千四百匹

是年冬灃中漚中蠻二千人圍充城八千人寇夷道  
遣武陵太守李進討破之

四年四月馬賢討燒當大破之斬耶離獲首虜千二  
百餘級

五年四月南匈奴左部句龍大人吾斯車紐等叛圍  
美稷度遼將軍馬續討破之

九月且凍傳難種羗等反叛攻金城與西塞及湟中  
雜種羗胡大寇三輔殺害長吏發京師近郡及諸州  
兵討之拜李賢爲征西將軍以騎都尉耿叔副將左

右羽林五較士及諸州郡兵十萬人屯漢陽又於扶風漢陽作塢壁三百所置屯兵以保聚百姓且凍分遣種人寇武都燒隴關掠苑馬

十一月匈奴中郎將張耽將幽州烏桓諸郡營兵擊畔虜車紐等戰於馬邑斬首三千級獲生口及兵器牛羊甚衆車紐等將諸豪帥骨都侯乞降

六年正月東西羌大合鞏唐羌種三千餘騎寇隴西遣中郎將龐浚募勇士千五百人頓美陽爲涼州援武都太守趙冲追鞏唐羌斬首四百餘級得馬牛羊駟萬八千餘頭羌二千餘人降

五月使匈奴中郎將張耽大破烏桓羌胡於天山

云一

耽將吏兵繩索相懸上通天山又是年征西將軍馬賢將五六千騎擊且凍難種羌等到射姑山賢軍敗

漢安二年四月護羌較尉趙冲與漢陽太守張賁擊

燒當羌於參蠻破之

參蠻屬安安郡

先是元年罕種羌率邑

落五千餘戶詣冲降惟燒何種三十餘落據參蠻北界至是掩擊之斬首千五百級得牛羊駟十八萬頭

閏十月趙冲擊諸種斬首四千餘級復追擊於河陽

縣名屬天水郡

斬首八百級於是諸種前後詣涼州刺史降

建康元年三月護羌從事馬玄爲諸羌所誘時羌衆亡出塞領護羌較尉衛琚追擊玄等斬首八百餘級

得牛馬二十餘萬頭

四月使匈奴中郎將馬實擊南匈奴左部破之於是胡羗烏桓悉詣實降

桓帝建和二年白馬羗寇廣漢屬國殺長史是時西羗及湟中胡復叛為寇益州刺史率板楯蠻討破之永壽元年七月南匈奴左臺且渠伯德等叛寇美稷安定屬國都尉張奐討除之

三年四月九真蠻夷叛太守兒式討之戰沒遣九真都尉魏朗擊破之

延熹元年十二月鮮卑寇邊使匈奴中郎將張奐率

南單于擊破之

二年十二月燒當等八種羗叛寇隴右護羗較尉段

熲追擊於羅亭破之

一云追到積石山即羅亭相近今在鄯州

三年閏正月燒當羗叛寇張掖護羗較尉段熲追擊於積石山大破之

十一月勒姐羗圍允街段熲擊破之

四年十月先零沈氏羗與諸種羗寇并涼二州

十一月中郎將皇甫規監關西兵擊破之斬首八百級降者十餘萬

五年七月烏吾羗寇漢陽隴西金城諸郡兵討破之

八月武陵蠻叛寇長沙十月寇江陵以太嘗馮鯤為車騎將軍討之十一月大破於武陵

七年十月護羌校尉段熲擊當煎羌破之

八年二月段熲擊罕姐羌破之

六月段熲擊當煎羌於湟中大破之

今鄯州湟水縣

九年六月南匈奴及烏桓鮮卑分騎數萬人入緣邊

九郡並殺掠吏人七月遣匈奴中郎將張奐擊之鮮

卑乃出塞去南匈奴烏桓率眾詣奐降

永康元年正月先零羌寇三輔使匈奴中郎將奐破

平之當煎羌寇武威護羌校尉段熲追擊於鸞鳥大

破之

鸞鳥縣名屬武威郡

十月先零羌寇三輔中郎將張奐擊破之

靈帝建寧元年七月破羌將軍段熲復破先零羌於

涇陽

縣名屬安定郡

二年七月段熲大破先零羌於射虎塞外谷東羌悉

平

九月江夏蠻叛州郡討平之

是年玄菟太守耿臨討高句麗斬首數百級其王伯

固降服乞屬玄菟

熹平五年益州郡諸夷反叛執太守雍陟遣御史中

丞朱龜討之不能尅太尉掾巴郡李顒建築討伐乃  
拜顒益州太守與刺史龐芝發板楯蠻擊破平之還  
得雍陟顒卒後夷人復叛以廣漢景毅為太守討平  
之

光和二年十月巴郡板楯蠻叛遣御史中丞蕭瑗督  
益州刺史討之

中平三年十月武陵蠻叛寇郡界郡兵討破之

五年十一月巴郡板楯蠻叛遣上軍別駕司馬趙瑾  
討平之

獻帝建安十二年八月司空曹公大破烏桓於柳城

斬其蹋頓

蹋頓匈奴王號  
柳城今營州縣

時蹋頓驍武邊長老皆比

之冒頓恃其阻遠敢受亡命以雄百蠻公潛師北伐  
出其不意一戰而定夷狄懾服威振朔土遂引烏桓  
之衆服從征討而邊民得用安息初公之北征三郡  
烏桓五月至無終七月大水傍海道不通田疇請為  
鄉導公從之引軍出盧龍塞塞外道絕不通乃塹山  
堙谷五百餘里經白檀歷平剛涉鮮卑庭東指柳城  
未至二百里虜乃知之尚熙與蹋頓遼西單于樓班  
右北平單于能臣抵之等將數萬騎逆軍八百里登  
白狼山率與虜遇衆甚盛公車重在後被甲者少左



右皆懼公登高望虜陣不整乃縱兵擊之使張遼爲先鋒虜衆大潰斬蹋頓其名王已下胡漢降者二十餘萬口遼東單于速僕丸及遼西北平諸豪棄其種人與尚熙奔遼東衆尚有數千騎

二十三年四月代郡上谷烏桓無臣氏等叛魏王曹公遣鄆陵侯彰討破之

魏文帝黃初二年十一月鎮西將軍曹真命衆將及州郡兵討破叛胡治元多盧水封賞等斬首五萬餘級獲生口十萬羊一百一十一萬口牛八萬河西遂平

六年三月并州刺史梁習討鮮卑軻比能大破之  
明帝青龍元年六月保塞鮮卑大人步度根與叛鮮卑大人軻比能通私通并州刺史畢軌表輒出軍以外威比能內鎮步度根帝省表曰步度根以爲比能所誘有自疑心今軌出軍適使二郡驚合爲一何所威鎮乎促勅軌以出軍者慎勿越塞過句注也比詔書到軌已進軍屯陰館遣將軍蘇尚董弼追鮮卑比能遣子將千餘騎迎度步根部落與尚弼相遇戰于樓煩二將沒步度根部落皆叛出塞與比能合寇邊帝遣驍騎將軍秦朗將中軍討之虜乃走漢比比能將

其部衆降是後帝乃舉王雄遣劍客刺之然後種落離散互相侵伐強者遠遁近者請服繇是邊隣益安漢南少事雖時頗鈔盜不能復相扇動矣

景初元年秋遣幽州刺史毋丘儉率衆軍討遼東右北平烏丸單于寇婁敦遼西烏丸都督率衆王護留等昔隨袁尚奔遼西間儉軍至率衆五千餘人降寇婁敦遣弟阿羅槃等詣闕朝貢封其渠帥三十餘人為王侯

齊王正始七年二月幽州刺史毋丘儉討高句麗五月討濊貊皆破之韓那奚等數十國各率種落降入年隴西南安金城西平諸羌餓阿燒戈伐同蛾遮

塞等相結叛亂攻圍城邑南詔蜀兵涼州名胡治無載復叛應之討蜀護軍夏侯霸諸軍屯爲超時雍州刺史郭淮軍始到狄道議者僉謂宜先討定抱罕內平惡羌外折賊謀淮策蜀將姜維必來攻霸遂入瀨中轉南迎霸維果攻爲超會淮軍適至維遁退進討叛羌斬餓阿燒戈降服者萬餘落九年遮塞等屯河關白土故城據河拒軍淮見形上流密於下渡兵據白土城擊大破之治無載圍武威家屬留在西河淮進軍趣西海欲掩取其累重會無載折還與戰於龍夷之北破走之令居西虜在石頭山之西當大道止

斷絕王使淮還過討大破之

冊府元龜

冊府元龜

淮南李嗣京叅閱

西極文翔鳳訂正

豫章黃國琦較釋

外臣部二十九

征討第三

蜀後主建興三年三月丞相諸葛亮率衆南征越雋夷王高定遂至滇池南中平皆卽其渠率而用之八年丞相叅軍領益州治中從事馬忠督將軍張嶷等討汶山郡叛羌嶷別督數營在先至佗里邑所在

高峻崑隨山立上四五里羗於要厄作石門於門上  
施牀積石于其上過者下石撻擊之無不糜爛崑度  
不可得攻乃使譯先曉之曰汝汝山諸種反叛傷害  
良善天子命將討滅惡類汝等若稽顙過軍資給糧  
費福祿永隆其報百倍若終不從大兵致誅雷擊電  
下雖追悔之亦無益也着帥得命卽出詣崑給糧過  
軍軍前討餘種聞佗里已下悉恐怖失所或迎軍出  
降或奔竄山谷放兵攻擊以克捷  
十一年南夷豪帥劉胄反擾亂諸郡以馬忠爲庾降  
都督討之忠遂斬胄平南土

延熙三年春使越雋太守張崑平定越雋郡初越雋  
自丞相諸葛亮討高定之後叟夷數反殺太守龔祿  
焦贛是後太守不敢之郡只住安定縣去郡八百里  
其郡徒有名而已時論欲復舊郡除崑爲越雋太守  
崑將所領往之郡誘以恩信蠻夷皆服頗來降附北  
徼捉馬最驍勁不承節度崑乃往討生縛其帥魏狼  
又解縱吉喻使招懷餘類諸種聞之多漸降服斯都  
着帥李求承昔手殺龔祿崑求募捕得數其宿惡而  
誅之

十年汶山平康夷反衛將軍姜維往討破平之

吳大帝黃龍三年二月遣太嘗潘濬率眾五萬討武陵蠻夷

嘉禾三年濬平之

又云濬遷太嘗五溪蠻夷叛亂假節督諸軍討之自是群蠻衰弱一

方寧

赤烏二年十月將軍薛秘南討夷賊

晉武帝太始六年六月秦州刺史胡烈擊破虜戰死

之詔遣尚書石鑿行安西將軍都督秦州諸軍事與

奮威護軍田章討之

七年匈奴單于猛叛屯孔邪城帝遣婁侯何植持節

討之植素有志畧以猛眾凶悍非少兵所制乃潛誘

猛左部督李恪殺猛於是匈奴震服積年不敢復反

十年八月涼州虜寇金城諸郡鎮西將軍汝陰王駿

討之斬其帥乞文泥等

咸寧元年六月戊巳較尉馬循討叛鮮卑破之斬其

渠帥

二年二月并州虜犯塞監并州諸軍事胡奮擊破之

五月鎮西大將軍汝陰王駿討北胡斬其渠帥吐敦

七月鮮卑阿羅多等寇邊西域戊巳較尉馬循討之

斬首四千餘級獲生口九千餘人於是來降

三年正月使征北大將軍衛瓘討鮮卑破之二月平

虜護軍文淑討叛虜樹機能破之

五年正月虜帥樹機能攻陷涼州使討虜護軍武威

太守馬隆擊之十二月大破斬之涼州平

穆帝永和五年四月征南大將軍桓溫遣督護滕駿

率交廣之兵伐林邑國王范文於虜容

為四年文冠九真也

九年三月交州刺史阮敷討林邑范佛於日南破其

五十餘壘

范佛文之子嗣其父位

升平三年十二月交州刺史溫放之帥兵討林邑叅

黎耽潦並降之

一云廣州刺史滕舍伐林邑范佛詣降與盟而退

宋高祖永初元年交州刺史護國將軍杜慧度率文

武萬人南討林邑所殺過半前後被抄畧悉得還本

林邑乞降輸生口大象金銀吉貝等乃釋之遣長史

江悠奉表獻捷

文帝元嘉十九年五月龍驤將軍裴方明等伐氏尅

仇池

二十三年六月交州刺史檀和之伐林邑尅之初帝

以林邑雖貢奉而寇盜不已所貢亦陋薄忿其違傲

使和之及振武將軍宗慤伐之和之遣司馬蕭景獻

為前鋒向區粟城其王陽邁遣大帥范扶龍戍區粟

城景獻攻城尅之斬扶龍獲金銀雜物不可勝計追

討卽尅林邑陽邁父子並挺身奔逃凡所獲塚異皆  
是未名之寶

孝武帝大明四年十月遣司空沈慶之討浚江蠻  
南齊太祖建元元年南襄城蠻秦遠寇潼陽比上黃  
蠻文勉德寇汝陽荊州刺史豫章王遣中兵叅軍劉  
任緒領十人討勉德至當陽降之

武帝永明十年武都王楊集始反率氐蜀雜種寇漢  
川涼州刺史陰智伯遣軍主寧朔將軍桓盧奴梁季  
郡宋王士隆等千餘人拒之不利退保白馬賊衆萬  
餘人縱兵火攻其城柵盧奴拒守死戰智伯又遣軍

主陰仲昌等馬步數千人救援至白馬城東千畝橋  
相去數里集始等悉力攻之官軍內外奮擊集始大  
敗十八營一時潰走殺獲數千人集始奔入虜界  
後魏道武天興元年七月漁陽烏丸庫儻官韜聚黨  
爲寇詔冠軍將軍王建討平之

二年三月丙子遣建義將軍庾真越騎校尉奚斤討  
庫狄部帥葉赤宥連部帥竇羽泥於大渾川破之庫  
狄勒支子沓亦于率其部落內附真等進破侯莫陳  
部獲馬牛羊十餘萬頭追殄遺迹并入大岷谷

四年十二月辛亥詔征西大將軍嘗山王遵等率衆

五萬討破多蘭部木易千材官將軍和突率騎六千  
襲黜佛素古延等諸部  
六年十月丁巳詔將軍伊謂率騎二萬北襲高車十  
一月大破之

明元永興二年正月詔南平公長孫嵩等北伐蠕蠕  
為元年冬犯塞五月  
聞帝親征乃遁走

五年四月車駕西巡詔左丞相奚斤為先驅討越勤  
部勤一作勒於鹿那山大破之獲馬五萬匹牛羊二十萬  
頭徙二萬餘家而還

泰嘗元年十月徙河部落庫儂官斌元降後復叛歸

北燕馬跋驍騎將軍延普渡濡水討擊斬斌大破之  
及獲馬跋幽州刺史漁陽公庫儂官昌征北將軍閔  
內侯庫儂官提等首生擒庫儂官女生縛送京師幽  
州平

三年正月詔護高車中郎將薛繁率高車丁零十二  
部大人衆北畧至弱水降者二千餘人獲馬牛羊二  
萬餘頭

太武始光元年八月蠕蠕率六萬騎入雲中殺掠吏  
民攻陷盛樂宮赫陽子尉普文率輕騎討之虜乃退  
走詔安集將軍平陽王長孫翰率北部諸將尉眷自



秦合以北擊大檀別帥阿伏干於祁山斬首數千級  
獲馬萬餘匹十二月遣平陽王長孫翰等討蠕蠕車  
駕次祁山蠕蠕北遁諸軍追之大獲而還

神麀元年閏十月定州丁零鮮于臺陽翟喬等二千  
餘家叛入西山劫掠郡縣州兵討之失利詔鎮南將  
軍壽光侯叔孫建擊之

二年八月帝以東部高車屯巴厄陂詔左僕射安原  
率騎萬餘討之

三年四月勅勒萬餘落叛走詔尚書封鐵追討滅之  
延和三年三月金當川率其衆圍西川侯彭文暉於

陰密詔征西大將軍嘗山王素討獲當川斬之於長  
安以徇

七月命諸軍討山胡白龍于西河九月戊子尅之斬  
白龍及其將帥屠其城

大延二月五月仇池氏楊難當竊據上邦七月庚戌  
詔驃騎大將軍樂平王丕等督河西高平諸軍討之

九月以難當  
攝上邦守

三年七月使撫軍大將軍永昌王健司空上黨王長  
孫道生討山胡白龍餘黨於西河滅之

太平真君六年八月征西大將軍高涼王那等討吐

谷渾慕利延軍到曼頭城慕利延驅其部落西渡流  
沙那急追故西秦王慕世子被囊破之中山公杜豐  
追度三危至雪山擒被囊及慕利延元子什歸熾盤  
子成龍送於京師慕利延遂西入于闐國

九年九月成周公萬度千里驛上大破焉耆國其王  
鳩尸卑那奔龜茲

十二月詔成周公萬度歸自焉耆西討龜茲

文成大安二年二月丁零數千家亡匿井陘山聚爲  
寇盜詔定州刺史許宗之并州刺史乞佛成龍討平  
之

八月平西將軍漁陽公尉眷北擊伊吾尅其城大獲  
而還

和平元年二月衛將軍樂安王良督東雍吐京六壁  
諸軍西趣河征西將軍皮豹子等督河西諸軍南趣  
石樓以討河西叛胡

六月甲午詔征西大將軍陽平王新城等督統萬高  
平諸軍出南道南郡公李惠等督源州諸軍出北道  
討吐谷渾什寅

八月西征諸軍至西平什寅走保南山九月諸軍濟  
河追之遇瘴氣多有疾病乃引軍還獲畜二十餘萬

三年六月諸將軍陸真討雍州叛氏仇偁檀大破之  
五年七月北鎮游軍大破蠕蠕  
獻文皇興四年二月吐谷渾什寅不供職貢詔使持  
節征西大將軍上黨王長孫觀討之軍至曼頭山大  
破什寅什寅與麾下數百騎宵遁什寅從弟豆勿來  
及其渠帥匹婁拔累等率所領降附  
孝文延興元年十月沃野統萬二鎮勅勒叛詔太尉  
隴西王元賀追擊至枹罕滅之斬首三萬餘級徙其  
遺逆於冀定相三州爲營戶

二年正月統萬鎮胡民相率北叛詔寧南將軍交趾

公韓拔追滅之

三年四月詔假司空上黨王長孫觀等征吐谷渾什

寅

十月武都王反攻仇池詔長孫觀回師討之

太和元年十二月蠕蠕犯塞詔任城王澄率衆討之

十四年四月地豆干頻犯塞征西大將軍陽平王贍

擊走之

十六年八月詔陽平王贍左僕射陸獻督十二將七

萬騎北討蠕蠕

二十年閏十一月右將軍元隆大破汾州叛胡

二十二年八月勅勒櫛者相率反叛詔平北將軍江陽王繼都督北討諸軍事以討之

宣武景明三年三月魯陽蠻叛詔撫軍將軍李崇討之

四年十二月詔鎮南李崇討東荆反蠻明年崇大破諸蠻帥樊安

正始二年十一月武興國王楊紹先叔父集起謀反詔光祿大夫楊椿討之十二月又詔驃騎大將軍源懷慎令討武興反氏

三年正月梁秦二州刺史邢巒連破氏賊尅武興

是日

楊集起兄弟相率降

永平三年二月秦州隴西羌殺鎮將趙雋阻兵反叛州軍討平之

孝明以延昌四年正月卽位四月梁州刺史薛懷古破反氏於沮水

五月南秦州刺史崔暹擊破氏賊解武興圍

正光四年二月蠕蠕主阿那環率衆犯塞遣尚書右丞相元孚持節喻之阿那環執孚驅掠畜牧北遁詔驃騎大將軍尚書令李崇中軍將軍兼尚書右僕射元纂率騎十萬討蠕蠕出塞三千餘里不及而還

五年十二月汾州正平陽山胡叛逆詔復征東將軍章武王融封爵爲大都督率衆討之

孝昌元年十二月以臨淮王彧爲征南大將軍率衆討魯陽蠻

三年三月西部勅勒斛律維陽反於桑乾西牧子通連別將爾朱榮擊破之

五月以安西將軍光祿大夫宗正珍孫爲都督討汾州反胡

出帝永熙三年正月天柱大將軍高歡討費也頭於河西苦洩河大破之獲其帥紇豆陵伊利遷其部落

於內地

二月東梁州爲民夷侵逼詔使持節車騎大將軍行東雍州事泉企爲東梁州行臺都督以討之

西魏文帝大統七年三月襲胡帥夏州刺史劉平伏據上郡叛遣開府于謹討平之

恭帝元年四月茹茹乙旃達官寇廣武遣柱國趙貴追擊之斬首數千級收其輜重而還十一月柱國于

謹旣平江陵諸蠻騷動詔豆盧寧蔡祐等討破之

東魏孝靜太平二年正月齊神武爲大丞相柱國大將軍襲擊中山胡劉蠡升大破之三月神武欲以女

妻蠡升太子候其不設備乃潛師襲之其北部王斬蠡升首以送其衆復立其子南海王神武擊之又獲南海王及其弟西海王北海王皇后公卿以下四百餘人胡魏五萬戶

十一月齊神武討山胡叛平之俘獲一萬餘戶口分配諸州

北齊文宣天保三年正月帝親討庫莫奚於代郡大破之獲雜畜十餘萬分賚將士各有差以奚口付山東爲民

丁酉帝至平州遂從西道趣長塹詔司徒潘相樂帥精騎五千自東道趣青山辛丑至白狼城壬寅終昌黎城復詔安德王韓軌率精騎四千東趣斷契丹走路癸卯至陽師水倍道兼行掩襲契丹甲辰帝親踰山嶺爲士卒先指麾奮擊大破之虜獲十餘萬口雜畜數十萬頭樂又于青山大破契丹別部所虜生口皆分置諸州十二月突厥攻茹茹茹舉國南奔帝自晉北討突厥迎納茹茹乃廢其主庫提立阿那環子菴羅辰爲主置之馬邑川給其廩餼繒帛親退突厥於朔州突厥請降許之而還於是貢獻相繼

五年正月帝討山胡從離石道遣太師咸陽王斛律  
金從顯州道嘗山王從晉州道犄角夾攻大破之斬  
首數萬獲雜畜十餘萬遂平石樓石樓絕險自魏世  
所不能至於是遠近山胡莫不懾服  
三月茹茹菴羅辰叛帝親討大破之辰父子北遁  
四月茹茹寇肆州帝自晉陽討之至恒州黃瓜堆虜  
騎走時大軍已還帝率麾下千餘騎遇茹茹別部數  
萬四面圍逼帝神色自若指畫形勢虜衆披靡遂縱  
兵潰圍而出虜乃退走追擊之伏尸二十里獲菴羅  
辰妻子及生口三萬餘人

五月北討茹茹大破之  
六月茹茹率部衆東徙將南侵帝率輕騎於金山下  
邀擊之茹茹聞而遠遁  
六年六月帝親討茹茹諸軍大會於祁連池七月己  
卯帝頓白道留輜重親率輕騎五千追茹茹壬午及  
於懷朔鎮帝躬當矢石頻大破之遂至沃野獲其俟  
利藹然力婁阿嘗吐頭發郁久間拔延等并口二萬  
餘牛羊數十萬頭茹茹俟利郁久間李提率部人數  
百降

孝昭皇建元年十一月親戎北討庫莫奚長城處奔



遁分兵致討大獲牛馬括總入晉陽宮

武成河清三年四月衛將軍解律光率騎北討突厥  
獲馬千餘匹

後周武帝天和元年九月信州蠻冉令賢向五子王  
反詔開府陸騰討平之先是巴西人譙淹扇動羣蠻  
以附於梁蠻帥向鍾侯向白彪等應之尋而冉令賢  
向五子王又攻陷白帝殺開府楊長華遂相率作亂  
前後遣開府元契趙剛等總兵出討雖破翦其族類  
而元惡未除至是詔騰督王亮司馬裔等討之騰水  
陸俱進次于湯口先遣諭之而令賢方增浚城池嚴

設并禦遣其長子西黎諭子南王領其支屬於江南  
險要之地置立十城遠結涪陽蠻爲其聲援令賢率  
其精卒固守水邏城騰乃總集將帥謀其進趣咸謂  
先取水邏然後經畧江南騰言於衆曰令賢內恃水  
邏金湯之險外託涪陽輔車之援兼復資糧克實器  
械精新以我懸軍攻其巖壘脫一戰不克更成其氣  
不如頓軍湯口先取江南翦其羽毛然後旋軍水邏  
此制勝之計也衆皆然之乃遣開府王亮率衆渡江  
旬日攻拔其八城凶黨奔散獲賊帥冉承公并生口  
三千人降其部衆一千戶遂簡募驍勇數道入攻水



征討三  
卷之九十四  
邏路經石壁城此城峻險四面壁立故以名焉惟有一小路緣梯而上蠻蠻以爲峭絕非兵衆所行騰被甲先升衆軍繼進備經危阻累日乃得舊路且騰先任隆州總管雅知蠻帥冉伯黎冉安西與令賢有隙騰乃招誘伯黎等結爲父子又多遺其金帛伯黎等悅遂爲鄉導水邏側又有石勝城者亦是險要令賢使其兄子龍真據之騰又密誘龍真云若平水邏使其代令賢處龍真大悅密遣其子詣騰騰乃厚加禮接賜以金帛蠻貪利旣深仍請立効乃謂騰曰欲翻所據城恐人力寡少騰許以三百兵助之旣而遣二

千人銜枚夜進龍真力不能禦遂平石勝城晨至水邏蠻衆大潰斬首萬餘級虜獲一萬口令賢遁走追而獲之并其子弟等皆斬之司馬裔又別下其二十餘城獲其蠻帥冉三公等騰乃積其骸骨於水邏城側爲京觀後蠻蠻望見輒大號哭自此狼戾之心輟矣

六年四月信州蠻渠冉祖喜冉龍驤舉兵反詔大將軍趙闇率師討平之

建德五年二月詔皇太子巡西土因討吐谷渾

六年十一月稽胡反遣齊王憲率軍討平之初五年

帝敗齊師於晉州乘勝逐北齊人所棄甲仗未暇收  
 歛稽胡乘間竊出盜而有之乃立劉蠡升孫沒鐸為  
 主號聖武皇帝年曰石平時帝定東夏討之議欲窮  
 其巢穴齊王以為種類既多又山谷阻絕王師一舉  
 未可盡除且當翦其魁首餘加慰撫帝然之乃以憲  
 為行軍元帥督行軍總管趙王招譙王儉滕王逌等  
 討之憲軍次馬邑乃分道俱進沒鐸遣其黨天柱守河東大帥  
 穆支據河西規欲分守險要犄角憲軍憲命譙王儉攻天  
 柱滕王逌擊穆支並破之斬首萬餘級趙王招又擒  
 沒鐸餘眾盡降

宣帝宣政元年九月汾州稽胡帥劉受邏于舉兵反  
 詔上柱國越王咸為行軍元帥率眾討之  
 隋高祖開皇元年八月甲午遣行軍元帥樂安公元  
 諧擊吐谷渾于青海破而降之  
 二年四月大將軍韓僧壽破突厥于雞頭山上柱國  
 李克破突厥於河北山  
 六月李克破突厥於馬邑  
 十一月突厥沙鉢悉眾為寇縱兵自木峽石門兩道  
 來寇武威天水安定金城上郡弘化延安六畜咸盡  
 帝赫怒下詔曰往者魏道衰弊禍難相尋周齊抗衡



冊府元龜 征討三  
卷之九百八十四  
分割諸夏突厥之虜俱通二國周人東慮恐齊好之  
深齊氏西虞懼周交之厚謂虜意輕重國遂安危非  
徒並有大敵之憂思減一邊之防竭生民之力供其  
來往傾府庫之財棄於沙漠華夏之地實爲勞擾猶  
復劫剝烽戍殺害吏民無歲月而不有也惡積禍盈  
非止今日朕受天明命子育萬方愍臣下之勞除旣  
往之弊以爲厚歛兆庶多惠豺狼未嘗感恩資而爲  
賊違天地之意非帝王之道節之以禮不爲虛費省  
徭薄賦國用有餘因入賊之物加賜將士息道路之  
民務於耕織清邊制勝成策在心凶醜愚暗未知深

旨將大定之日比戰國之時乘昔世之驕結今時之  
憾近者盡其巢穴俱犯北邊朕分置軍旅所在邀截  
望其深入一舉滅之而遠鎮偏師逢而摧剪未及南  
上遽已奔北應弦染鏑過半不歸且彼渠帥其數几  
五昆季爭長父叔相猜外示彌縫內乖心腹世行暴  
虐家法殘忍東夷諸國盡挾私讎西戎群長皆有宿  
怨突厥之北契丹之徒切齒磨牙嘗伺其便達頭前  
攻酒泉其後于闐波斯挹怛三國一時卽叛沙鉢畧  
近趣周槩其部內薄孤束紇羅尋亦翻動往年利稽  
察大爲高麗靺鞨所破婆毗設又爲紇支可汗所殺

與其爲隣皆願誅勦部落之下盡異純民千種萬類  
仇敵然偶泣血拊心銜悲積憾圓首方足皆人類也  
有一於此更切朕懷彼地咎徵妖作年將一紀乃獸  
爲人語人作神言云其國亡訖而不見每冬雷震觸  
地火生種類咨給惟藉水草去歲四時竟無雨雪川  
枯蝗暴草木燒盡饑疫死亡人畜相半舊居之所赤  
地無依遷徙漠南偷存晷刻斯蓋上天所忿駟就齊  
斧幽明合契今也其時故選將治兵羸糧聚甲義士  
奮發壯夫肆憤願取名王之首思撻單于之背雲歸  
霧集不可數也東極滄海西盡流沙縱百勝之兵橫

萬里之種亘朔野而追躡望天涯而一掃此則王帳  
所說其猶射癰何敵能當何遠不服但皇王舊迹北  
止幽都荒遐之表文軌所棄得其地不可而居得其民  
不忍皆殺無勞兵革遠規溟海諸將令行義兼含育  
有降者納有違者死異域殊方被其摧抑放聽復舊  
廣關邊境嚴治關塞使其不敢南望永服威刑卧鼓  
息烽斃勞終逸制禦夷狄義在斯乎何用侍子之朝  
寧勞渭橋之拜普告海內知朕意焉於是以河間王  
弘上柱國豆盧勣竇榮定左僕射高顯右僕射虞慶  
則并爲元帥出塞擊之沙鉢畧率阿波貪汗二可汗

等來拒戰皆敗走遁去時虜饑甚不能得食于是粉骨爲糧又多災疫死者極衆

三年四月衛王爽破突厥於白道

五月癸卯行軍總管李晃破突厥于摩那渡口壬戌

行軍元帥竇榮定破突厥及吐谷渾于涼州

六月行軍總管梁遠破吐谷渾於爾汗出山斬其名

王

八月遣尚書左僕射高頰出寧州道內史監虞慶則

出原州道並爲行軍元帥以擊胡

十七年二月太平公史萬歲擊西寧羗平之

十八年二月以漢王諒爲行軍元帥率水陸三十萬

伐高句麗九月遇疫而還

是年突厥雍虞間數爲邊患詔蜀王秀出靈州道以擊之

十九年四月達頭可汗犯塞遣八軍總管史萬歲擊

破之是年遣漢王諒爲元帥左僕射高頰率將軍王

瑒上柱國趙仲卿並出朔州道右僕射楊素率柱國

李徹韓僧壽出靈州上柱國燕榮出幽州以擊突厥是

時啓民可汗歸朝帝於朔州築大利城以居之雍虞

間又擊之帝復令入塞雍虞間侵掠不已遂遷於河

南在夏勝二州之間發役掘塹數百里東西拒河盡  
爲啓民畜牧之地於是遣越國公楊素出靈州行軍  
總管韓僧壽出慶州太平公史萬歲出燕州大將軍  
姚辨出河州以擊都藍師未出塞而都藍爲其麾下  
所殺達頭自立爲步迦可汗其國大破遣太平公史  
萬歲出朔州以擊之遇達頭於大斤山虜不戰而遁  
追斬首虜二千餘人

二十年四月突厥犯塞以晉王

煬帝也

爲行軍元帥擊

破之

仁壽元年正月突厥寇恒安遣柱國韓洪擊破之洪

復爲虜所敗於恒安廢爲庶人詔楊素爲雲州道行  
軍元帥率啓民可汗北征斛薛薛等諸姓初附於啓  
民至是而叛素軍河北值突厥阿勿思力俟斤等南  
度掠啓民男女六千口雜畜二十餘萬而去素率上  
大將軍梁默輕騎追之轉戰六十餘里大破俟斤悉  
得人畜以歸啓民素又遣柱國張定和領軍大將軍  
劉昇別路邀擊并多斬獲而還兵旣定渡河賊復掠  
啓民部落素率驃騎范貴於窟結谷東南奮擊復破  
之追奔八十餘里

煬帝大業元年四月大將軍劉方擊林邑破之初高

冊府元龜 卷之九十一  
祖時天下無事群臣言林邑多奇寶者仁壽末遣方  
爲驩州道行軍總管率欽州刺史甯長真驩州刺史  
李暉開府秦雄步騎萬餘及犯罪者數千人擊之其  
王梵志率其徒乘巨象而戰方軍不利於是多掘小  
坑草覆其上因以兵挑之梵志悉衆而陣方與戰僞  
北梵志逐之至坑所其衆多陷轉相驚駭軍遂亂方  
縱兵擊之大破之頻戰輒敗遂棄城而走方入其都  
獲其廟主十八枚皆鑄金爲之蓋其有國十八葉矣  
方班師梵志復其故地遣使謝罪於是朝貢不絕  
四年七月左翼衛大將軍宇文述破吐谷渾於曼頭

赤水

五年五月吐谷渾主保覆袁州詔左屯衛大將軍張  
定和往捕之定和挺身挑戰爲賊所殺亞將柳武建  
擊破之斬首數百級

六年二月武賁郎將陳稜朝散大夫張鎮州擊琉球  
破之獻俘萬七千口頒賜百官

七年二月詔以高麗高元獻失藩禮將欲問罪遼左

事其帝  
王親征

冊府元龜

卷之九

卷之九

冊府元龜

